



柳田文庫
文庫11
D 295
11



文庫 11
D 295
11

續弘簡錄元史類編卷二十八

皇清詹事府少詹事仁和邵遠平戒山學

柳田泉文庫

庶官三 武職

耶律阿海 塔塔統阿 抄思 何實 郝和尚拔都

田雄 石抹孛迭兒 劉亨安 趙璿 李守賢 子敬

王珣 純只海 李進 石安只 忙哥撒兒 孫伯答

劉通 岳存 苦徹拔都兒 劉斌 子思敬 鄭溫 賈文備

謁只里 脫歡 車脫兒 從子忽刺 石高山 奧魯赤

劉哈剌拔都魯 囊加帶 劉恩 王國昌 子通 羅璧 補

張道 楊賽因不花 劉哈剌不花 達禮麻失

耶律阿海本遼之故族其祖父世仕金阿海勇力過人尤善通

諸國五季奉使至漠北見太祖言金國不治戎備俗日侈肆



010190563036

亡可...帝喜曰汝肯臣我以何爲信對曰願以子弟爲質明年復出使與弟禿花俱來爲質自是參預機謀出入戰陣常在左右令人語其使久不還拘其家屬阿海殊不屑意帝聞之妻以貴臣女給戶俾食其賦進攻西夏諸國累有功太祖卽大位敕左帥遮別畧地漢南以阿海爲先鋒破烏沙堡戰宣平大捷澮河遂出居庸耀兵燕北拔宣德德興諸郡乘勝次北口攻下紫荆關阿海奏曰好生乃天地之...從開創之始願止殺以應天心帝嘉納焉分兵駐燕之近郊金主懼請和諭其使曰阿海妻子何故拘繫弗遣卽送來歸師還山塞阿海以功拜太師行中書省事從攻西域留監尋斯干城未幾卒于位追封忠武公子捏兒哥當太祖時爲右丞行省遼東蒲鮮萬奴叛舉家遇害孫買哥憲宗時爲奉御襲其父中都職從攻蜀師獲釣魚

書卒于軍妻移刺氏以哀毀卒特贈貞婦

塔塔統阿畏兀人性聰慧善言論深通本國文字乃鑿太陽可汗尊之爲傅命掌金印太祖滅乃蠻塔塔統阿懷印逃去俄就擒帝詰之曰太陽人民疆土悉爲我有汝負印將何之對曰臣職也將以死守欲求故主授之耳女敢有他帝曰忠義人也問是印何用對曰出納錢穀委任人皆用此爲信驗帝善之置居左右是後凡有制旨始用印仍命掌之教太子諸王以畏兀字太宗卽位命司內府玉璽其妻吾和利氏入爲皇子哈刺察兒乳母時加賜予塔塔統阿名諸子謂曰上以汝母鞠太子賜予獨厚汝等豈宜私有當先供太子用有餘則可分受帝聞之顧侍臣曰其廉介可知矣由是數加禮遇卒贈鴈門郡公長子玉笏...死于渾都海之亂次力渾迷失有膂力嘗獵于野與

衆相...盜三人欲奪其衣力渾博之衆盡什遂縛以還帝召
見選力士與之角無敵者帝壯之令備宿衛

抄思乃蠻部人又號答祿先是太陽爲乃蠻部主太祖舉兵討
不庭其父敵溫奔契丹時抄思尚幼與母跋涉間行來歸奉中
宮旨侍宮掖年二十五曾從征伐破代石二州不避矢石每先
登焉嗣從皇弟拖雷伐金與金兵戰所向無前鈞州三峯山之
捷元石功制授萬戶後移鎮頴 別的因方疆祿時母張氏
嘗從容訓之曰人有三成人知思懼成人知羞恥成人知艱難
成人否則與禽獸奚擇別的因受教惟謹身長七尺餘善刀舞
士卒咸畏服爲壽頴二州屯田府達魯花赤時二州地多荒蕪
有虎食民妻其夫來告別的因曰此易治耳命立檻設機縛誘
羊於檻中誘虎夜果至機發虎墮檻中自是其害息世祖至元

中授信陽府達魯花赤時信陽亦多虎比至未久一日以馬

置鞍上出獵命左右燔山虎出走別的因以褻擲虎虎搏褻據
地而吼旋馬射之立死大德三年卒年八十一

刑曰閹閣之英代有令聞出自北方乃明慈訓成人有三
一知所運言簡而該敬姜猶遜

何實字誠卿北京人父道忠仕金北京留守實少孤依叔父
以居氣節不凡家人常入臥內見一青蛇蜿蜒衣被中駭視之
乃實也嘗中原盜起錦州張鯨自稱臨海王旣納欵復以叛謀
於實實厲聲曰天之曆數在朔方汝等恣爲不軌徒自斃耳乃
籍戶口一萬募兵三千歸太祖獻軍民之數太祖悅命從木華
黎充前鋒時鯨弟致復據錦州實與賊遇於神水縣挺身陷陣
獲戰馬一被甚衆以功授帳前軍馬都彈壓詔取燕南齊西地

首擊邢州狗趙郡取魏鄴下博關襲曹濮恩德泰安濟寧勢如
破竹從取大同鴈門石隰等州引兵掠太原平陽河中京兆諸
城戰無不克授元帥左監軍會武仙復叛據邢州實帥師圍之
立雲梯先登橫稍突馳城破仙走逐北四十里遂戍邢州居一
歲多著善政及分兵攻汴所至有功已復命駐兵邢州分織匠
五百戶置局課織邢因武仙之亂歲屢饑請移匠局于博州博
值兵火後物貨不通實以絲數印置會子權行一方民獲貿遷
之利太宗數召見與論軍事曰思卿効力有年朕欲授以征行
元帥實謝曰小臣披堅執銳從事鋒鏑二十年身被十餘創右
臂負痛久已爲廢人敢辭監軍之職幸得督工匠歲獻織幣優
游終身於願足矣帝不悅令入宿衛密使人覘之臂果不能舉
始命充御用局人匠達魯花赤

郝和尚拔都太原人以小字行幼爲蒙古兵所掠長通譯語善
騎射太祖遣使宋往返數四以辯稱從大軍南伐畧地潼陝有
功授行軍千戶從攻襄陽宋兵四十萬逆戰漢水上領先鋒數
百人直前衝其陣宋兵大潰從征蜀下興元宋將王連以重兵
守劍閣乃募敢死士十二人乘夜破關入蜀諸城悉下及取夔
府抵大江宋兵軍於南岸選驍勇士人乘輕舸先登橫馳陣中
旣出復入宋兵不敢近由是以善戰名庚子朝太宗子行在命
解衣數其創痕二十一嘉其勞進宣德西京太原平陽延安五
路萬戶甲辰朝定宗于宿覲都之行宮賜銀萬錠辭以賞過厚
臣不敢獨受臣得効微勞皆藉將校協力卽於帝前分賜焉奉
詔還治太原請悉蠲遠道租稅鹽課過重者民德之卒贈冀國
公諡忠正

田確字毅英北京人幼孤能樹立以驍勇知名金末署軍都統
太祖軍至北京確率衆降隸木華黎麾下從征興中廣寧諸郡
定府州縣二十有九平錦州張鯨兄弟之亂從攻栢鄉邢相鄜
坊綏葭諸州有功授隰吉州刺史兼鎮戍軍節度使太宗時從
攻西和興元既下夔萬諸州授行軍千戶名爲御前先鋒奉旨
招納河南降附得戶十三萬七千有奇民皆安堵而別部將校
縱兵抄掠民惶懼悔降確力爲救護至出已財與之民得免害
授鎮撫陝西總管京兆等路事時關中苦兵革郡縣蕭然雄披
荆棘立官府開陳福四山堡砦間降附日衆乃教民力田京
兆大治定宗時入覲卒于和林

石抹孛迭兒契丹人仕金爲霸州平山水寨管民官木華黎師
至霸州孛迭兒迎降授千戶覲太祖于惟州命充漢軍都統帝

次平關山欲盡戮漢軍木華黎以孛迭兒可用奏釋之四諸謀

麾下從平高州授左監軍狗地山東大名北至洺州城守甚堅
師不得進孛迭兒不避矢石率衆先登拔之從平益都沂密萊
淄及定太原忻代平陽諸州郡除霸州等路元帥以黑軍鎮守
固安水寨既至令兵士屯田且耕且戰披荆棘立廬舍數年之
間城市悉完爲燕京外蔽已從征河南及討萬奴于遼東所至
有功以疾卒于官

劉亨安范陽人後遷遼東木華黎經畧遼東見世英率族黨隸
麾下分兵收燕趙雲朔以功充行軍副總管世英曰自古建國
以民爲本今河東殺掠殆盡異日我師復來孰給轉輸收存恤
亡此其時也木華黎善之授絳州節度使卒于師無子命其族
兄德行襲金將攻絳州城陷德行死焉亨安領其衆從大軍渡

河克鳳翔歷秦隴屯渭陽已出階城泂漢抵鄧會大軍于鈞州
敗金兵于三峯山遂克蔡州既而宋兵二十萬攻汴將趨洛元
帥哈察兒俾亨安往拒遇于龍門北橫槊躍馬突前宋師奔潰
追擊百餘里哈察兒拊其背曰真驍將也及元帥塔海征巴蜀
攻散關破劍門出奇制勝戰功居多進圍成都亨安爲先鋒大
破之有喬長官者素與亨安爭功未幾攻城喬爲礮所傷亨安
負之以出喬感愧軍中所獲金帛悉推與將佐故士卒咸樂爲
用襲官十四年而卒

趙瑁雲中蔚州人父昆仕金爲帥府評事兄珪以萬戶守飛狐
城歲庚午昆卒珪輦其母如蠡州留瑁於飛狐瑁自幼不羈閑
習武事太祖南伐先鋒至飛狐城中不知所爲瑁詣縣曰大兵
壓境不降何待衆從之木華黎駐兵桓州署爲百戶從攻蠡州

金兵閉城拒守裨將石抹也先戰死主帥怒將屠城瑁泣曰毋

與兄在城中乞以一身贖一城之命木華黎義而許之從攻相
州抵其門死士突出瑁直前擊之流矢中鼻側鏃出腦後拔矢
再戰七日破其城論功授冀州行軍都元帥瑁讓其兄珪朝廷
從之改瑁爲易州達魯花赤太宗下河南瑁輸矢二十餘萬至
行在帝大喜命權中都省事趙揚世興州叛瑁進軍平之遷中
山真定二路達魯花赤中統元年轉順天宣慰使累官燕南道
按察使致仕卒于家追封定國公諡襄穆子秉溫事世祖潛
邸從征吐番雲南大理諸鄙至元七年創習朝儀闕試稱旨授
禮部侍郎知侍儀司事奉使購求天下秘書遷昭文館大學士
敕編國朝集禮書成封雲國公卒諡文昭

瑁曰不隨歸輦乃事戎兵天若留之以保母兄冒死獲爵

克讓以情父以勇著子以文成

李守賢字才叔大寧義州人祖小字放軍嘗從金將攻宋淮南主將分命將校殺所掠俘者放軍當殺五百人皆縱去金大安初守賢暨兄庭植弟守正守忠從兄伯通伯溫同赴木華黎歸欵入朝太祖于行在卽命庭植爲右副元帥崇義軍節度使守賢授錦州臨海軍節度觀察使守忠爲都元帥守河東朝廷以全晉爲要害人心危疑未定非守賢鎮撫之不可乃自錦州遷河東南路兵馬都總管歲戊子朝丁和林加知平陽府事太宗南伐道平陽見田野不治問之守賢對曰民貧若乏耕具致然詔給牛萬頭仍徙關中生口墾地河東平陽當移粟萬石輸雲中守賢奏以百姓疲敝不任輓載帝命罷其役時河中未下守賢建言以爲將士逗留沮撓多所傷溺臣請自北面鑿城先登

如其言城果下遂構浮橋蒲津南濟潼關大破趙雄兵于芮城

時方會師圍汴畱守賢屯嵩汝金兵十餘萬保少室山太平寨守賢以三千人介其中度其帥完顏延壽無守禦才適正月望夕且擊毬爲嬉守賢潛遣健兒數十輩緣崖蟻附以上殺守卒縱兵入破之悉收餘衆以歸不兩旬連天交牙薩若香爐諸寨皆望風下秦藍帥王祐聚衆數萬號之南山守賢使人責祐祐卽以所部來附關東洛西遂定甲午冬十月卒子毅嗣從太師塔海緝十征蜀攻劄門萬州會戰羅塘獲戰艦千餘艘授河東道行軍萬戶進攻成都山廣元山葭萌度木瓜坡蜀之餘孽團聚爲梗聞毅至潛爲伏以待毅謀知之令衆銜枚疾進出不意賊兵敗走長驅至成都已襲嘉定憲宗南伐入梁州師次江上造舟爲梁以通援兵且斷宋往來之路會江漲梁絕宋將

率舟師萬艘逆戰毅以一旅先犯諸軍繼進破之明日帝召謂諸將曰汝輩平日自負鷲勇及臨敵不能為朕立尺寸功獨李穀身犯矢石摧鋒陷陣視敵蔑如言勇者如穀乃可耳中統三年改河東路總管至元七年卒子十一人伯溫見忠義傳按伯溫與守賢傳正本兄弟而伯溫傳誤云守賢之孫毅之子皆因伯溫見忠義傳句之上有毅子十一人句連下故史氏不察以致互異如此至以守正為伯溫之子其舛益甚不知錯起何處

王珣字君寶本耶律氏金正隆末避遼西更姓王氏遂為義州開義人武力絕倫尤長擊鞠年三十餘遇道士謂曰君相甚奇它日得一青馬而貴居歲餘客有以青馬來鬻珣倍價收之後乘以戰進退無不如意又嘗行凌水濱得古刀其背銘曰舉無不克動必成功珣佩之每有警必先鳴故所向輒捷初河朔兵動豪強各擁眾據地珣慨然曰世故如此大丈夫當自振拔否則為人所制乃召諸鄉人語以自保計眾推珣為長

招集遺民萬餘木華黎畧地奚雲珣率吏民出迎命領義川軍事張致僭號錦州木華黎召珣以軍來會致視其虛夜襲之家入皆遇害珣以兵復開義進攻錦州致部將高益縛致妻子及其黨千餘人來獻珣但誅致家餘並釋不問加兵馬都元帥鎮遼東兼義川節度使子榮祖字欽先勇力絕人帝選力士三人送與搏皆應手而倒欲留宿衛會金帥郭琛完顏曳魯等據遼東石城命榮祖攻拔之所俘生口千餘皆放為民初城未下時遣部卒賈實穴城城崩被壓眾謂已死弗顧也榮祖曰士忘身死國安忍棄去發石取之猶生一軍感皆樂為効死趙神以興州叛討平之祁黨猶剽掠景薊間復從大將唐兀台討之榮祖曰承詔討逆不可戮及無辜由是免死者眾及再征高麗圍

其王京以世子縉入質帝賜錦衣旌其功

純只海散木台民弱寇備宿衛從征西域諸國有功太宗朝累遷京兆都達魯花赤尋復鎮懷孟同僚王榮潛畜異志欲殺純只海伏甲繫之斷其兩足跟以帛緘其口置佛祠中其妻喜禮伯倫聞之率衆攻榮家奪出遂瘞瘡馳旁郡請兵討榮殺之朝延遣使以榮妻孥貨產爲賜且盡驅懷民萬餘口至郭外將就戮純只海力爭曰爲惡者止榮一六民何罪若果盡誅徒守空城何益苟朝廷罪使者以不殺吾請以身當之使者還奏帝是其言民賴以不死并給榮妻孥券盡放爲民以其宅爲官廨秋毫無所取既入覲太宗以先朝舊臣功最著賜第一區尋以疾卒救葬山陵側追贈溫國公諡忠襄

冊曰伯倫激忿奪還其夫只海雪冤反其妻孥一家二妙

忠義之模

李進保定曲陽人幼隸軍籍初從萬戶張柔屯杞之三义口時荆山之西九十里曰龍岡者宋境也柔引兵築堡岡上會淮水溢宋舟師猝至進率兵十五人載一舟轉鬪十餘里奪一巨艦以功授百戶憲宗西征時丞相史天澤經畧河南選進爲總把道由陳倉入興元度米倉關其地甚塞不通進伐木開道七百餘里至定遠七星關其關上下皆築連堡宋以五百人守之巴渠江水環堡東流天澤命進往關下說降之不從進潛視間道歸白天澤曰彼可取也夜二鼓率勇士七十人掩其不備攻之脫門樞而入者二十人守者覺拔刀拒之逆被傷不爲動懸門俄閉諸軍不得入進與二十人力戰宋兵走上堡進乃毀懸門納諸軍追至上堡殺傷益衆宋兵棄走夜將旦遂得其堡守之

關路始通諸軍盡度及憲宗圍合州宋由嘉陵江以舟師來援
帝擁兵夾江而陣天澤乃號令於衆曰聽吾鼓視吾旗無少息
頃之間鼓聲視其旗東指諸軍遂鼓譟入宋前鋒潰戰艦繼亂
順流縱擊死者不可勝計帝指領謂諸將曰白旗下服紅半臂
突而前者誰也天澤以進對受上賞世祖至元中授兵馬使分
兵駐鄂州屯田河西中興府加管軍總管尋移屯西域別失八
里之地海都篤哇叛領軍至洪水古進戰衆寡不敵軍潰被擒
從至操八里遁還至和州收潰兵三百餘且戰且行還至京授
左翼屯田萬戶元貞元年卒

石抹按只契丹人世居太原父大家奴率軍來歸太祖命按只
代領其衆從元帥紐璘攻成都時宋兵聚於虛泉按只以所部
兵與戰大敗之已從元帥按敦攻瀘州以戰艦七十行至馬湖
江宋軍先以五百艘控扼江渡按只擊敗之時宋兵於沿江皆
撤橋據守按只相地形造浮梁師至無留行自馬湖以達合江
涪江清江凡立浮橋二十餘所論功居最宋以巨艦載甲士數
萬屯清河浮橋相拒七十一日水暴漲橋壞西岸軍多漂溺按只
軍東岸急撤浮橋聚舟岸下士卒得不死又援出別部軍五百
餘人憲宗遣使慰諭賞賜甚厚叙州守將橫被江津軍不得渡
按只聚軍中牛皮作渾脫及皮船乘之與戰破宋軍奪其渡口
作浮橋以濟師中統三年授河中府船橋水手軍總管從行省
也速帶兒攻瀘州以水軍與宋將戰于馬湖江身被二創戰愈
力敗之也速帶兒領兵趨瀘州遣按只運器械糧食由水道進
宋兵復扼馬湖江按只擊敗之奪其船以水軍千人運糧至眉
簡二州軍中賴焉從征建都蠻族餘不下按只先登其城力戰

降之軍還卒于道

忙哥撒兒札刺兒氏祖搠阿父那海並事烈祖太祖之嗣位也

年尚幼所部多叛亡搠阿獨不去素精騎射號為默爾傑猶言善射

者尤帝嘗與賊遇將戰有二飛鴛至命射之請曰射其確手抑

雌者乎帝曰確者一發果墜其確賊望見大驚不戰而走從征

乃蠻敵率銳兵鼓而進搠阿按兵不動敵止俄復鼓而進又不

動敵疑畏不敢前那海事太祖備歷艱辛帝嘉其忠且念其世

勳詔封懷洛陽百七十五戶忙哥撒兒事太子拖雷恭謹過其

父嘗從攻屢擢首立奇功定宗擢為驛事官剛明能舉職憲宗

在潛邸深知其人從征幹羅思阿速穩兒別里欽察諸部造舟

為梁伐山通道皆身先士卒及以所俘寶玉頒諸將則退然一

無所取憲宗益重之使治藩邸分民間出游獵則長其軍士動

如紀律雖太后及諸嬪御小有過輒知無不言即中老成人莫

不敬憚其推為札魯忽赤位居三公上即斷事官之長既拜命出飲橐

坐熊席其僚列坐者四十人忙哥撒兒問曰主上以我長此官

當以何道守官眾皆默又問有夏人和幹居下坐進曰夫札魯

忽赤之道猶宰之封羊也鮮肩者不使傷其脊在持平而已忙

哥撒兒聞之即起入帳內眾不知其所為皆咎其失言既入乃為

帝言和幹之言善帝名見曰是可用之才也定宗崩宗王按都

大會宗親議所立忙哥撒兒獨推戴憲宗眾不敢異宗王按赤

台等謀作亂剗車轅藏兵其中以入轅折兵見克薛傑知之上

變忙哥撒兒即發兵迎之按赤台不虞事遽覺倉卒不能戰悉

就擒憲宗親簡其有罪者付鞠忙哥撒兒悉誅之帝以其奉法

不阿委任益專有當刑者輒伏法然後入奏帝無不報可帝或

宋起忙哥撒兒入至帳前扣箭房帝問何言卽可其奏以所
御大帳行扇賜之以病酒而卒追封充國公 孫伯答沙幼英
敏端重長入宿衛歷事成武兩朝官宣徽院使武宗崩護葬守
山陵三年乃還仁宗延祐二年拜中書右丞相時承平日久朝
政清明一時號稱極治仁宗崩鐵木迭兒專政改集賢大學士
未幾出鎮北方亦以清靜爲治泰定間還朝加太保及倒刺沙
構兵上都兵潰伯答沙奉璽紋來上文宗嘉之拜太傅仍爲札
魯忽赤卒封威平王子三其季曰八郎朮而孤母曰乞陵契氏
二十而寡守節不他適八郎後爲札魯忽赤能繼其先有成立
母氏教云

劉通字仲達東平齊河人初從嚴實來歸授德州行軍千戶宋
將彭義斌攻齊河城率衆夜登通與六七人鼓譟起宋人驚懼
墜溺死者甚衆明日復合圍城三匝通令守陴者植槩如櫛俄
撤去宋人謂其向已也大潰義斌僅以數騎免遷德州萬戶軍
民總管子復亨襲千戶從嚴實畧安豐通奉濠泗斬黃安慶
州憲宗西征命攝萬戶統東平軍馬攻鈞魚山苦竹隘有功師
還兼德州軍民總管李璫叛兵集濟南乏食復亨盡出家資以
濟師世祖嘉之賜白金五千兩因璫至元十年遷征東左副都
元帥統軍四萬征日本與倭兵十萬遇戰却之還招降淮南諸
郡邑累官淮西道宣慰使

岳存字彥誠大名冠氏人歸東平嚴實授帥府都總領保冠氏
金將鄭侗將萬人合圍存率死士百餘突出西門金人退走存
追之越境乃還及武仙戰于彰德西敗之率步騎五百人還至
開州南與金將張開遇開衆萬餘存依大林戒其軍曰彼衆我

寡不可輕動聽吾鼓聲爲節乃命騎士居前步卒次之與敵相
去二十步鼓作無不一當百開衆大潰追二十餘里不指一卒
旣而被河南攻淮漢有功移治楚丘數年有惠政告老退休田
里中統三年以疾卒

冊曰鼓聲作氣家貴饗士劉不愛錢岳不惜死全才實難

劉尤表異

苦徹拔都兒欽察人初事太宗掌牧馬從攻鳳翔戰潼關首有
功攻汴京金人立木柵於河南苦徹率死士往救之師還金兵
邀於中路苦徹迎擊斬其首將以歸從攻蔡州前鋒答答兒與
金將戰金將捽其鬚苦徹進斫金將乃得脫從宗王口溫不花
攻光州一日五戰皆克世祖伐宋募能先截江者苦徹首應命
使其子脫歡領兵百人同詣鄂州使降鄂守將以軍來襲苦徹

奮擊大破之從圍襄陽擊奪宋將夏貴米舟畧地淮東宋都統
姜才率軍取糧高郵苦徹奪其馬及糧橐二萬淮東平入見奏
曰臣老矣帝命以脫歡爲管軍總管後脫歡以征倭及瓜哇功
累加昭毅大將軍

劉斌山東歷城人少有勇力從濟南張榮起兵爲管軍千戶從
攻河南以功授中翼都統攻睢陽軍次杏堆距陳州七十里聞
陳整軍於近郊斌率衆夜破之又擊走太康守兵擒其將三口
太康陷榮言於主帥曰太康之平摧其鋒者斌也移屯襄陽軍
乏食斌知青陵多積穀前沮大澤水深不可涉衆難之斌曰彼
恃險不我虞取可必也乃率百騎夜發前行汗澤中遇敵至斌
舍馬揮槊突前敗之得其糧數千斛從攻六安先登破其城累
官濟南新舊軍萬戶移鎮邳州宋將憚之病作謂其子曰居官

新唐書卷一百一十五
當廉正自守母贖貨以喪身敗家語畢而逝追封彭城郡公諡
武莊子思敬襲千戶世祖南征從攻臺山寨先登中流矢傷
甚帝親勞賜酒至元八年授西川副統軍宋嘉定守臣咎萬壽
乘虛攻成都邀擊之戰于青城宋兵大敗奪所俘二千人還攻
克嘉定瀘叙忠涪諸郡及籌勝龜雲石筍等寨十九族西南彝
五十六部悉來降瀘州復叛思敬妻子沒焉乃率兵討之擒其
將任慶攻破盤山寨俘九千餘戶遂復瀘州蜀平拜四川川北
道宣慰使卒封濱國公諡忠肅

冊曰中古循良處膏不潤末世仕途惟貨是問歸無重貨
晒其拙鈍劉君訓子昂以廉正類流之砥飄舟之從

鄭溫真定靈壽人初從中書杜合南合南征有功爲千戶憲宗
征西川溫四月不解甲史天澤上其功帝曰朕所親見也賞以
鞍勒還至閬州命統四千人防守釣魚山李璠叛溫以軍還
討至濟南大軍圍其城賊乘夜斫營溫力戰至黎明賊退城破
卽率兵往定益都累功受上賞世祖命爲侍衛親軍總管至元
九年詔溫統蒙古女真高麗諸部軍萬人渡海征耽羅平之遷
右衛親軍都指揮使率二衛軍萬人從攻岳州江州沙市潭州
皆有功歷遷江淮參政杭民饑出米二十萬石糴之今活甚衆
詔賜常州官田三十頃旋擢江浙左丞命以新附漢軍萬五千
人於淮安雲山泉塘立屯田卒年八十一

賈文備字仲武祁州蒲陰人父輔仕金爲祁州刺史武仙僱輔
膽畧密令所親圖之輔覺以衆來歸太祖詔張柔開帥府滿城
命輔隸麾下從定山東累功改行軍千戶文備襲父職屯三汜
口宋架雲梯來攻文備戰却之世祖中統四年命領張柔所部

軍屯亳州屢却宋兵至元八年授宿州萬戶統軍圍襄樊尋移
蔡州兼水陸漕運宋兵時掠糧餉文備敗之併奪其船十一年
復授漢軍都元帥領劉整軍駐亳州宋將夏貴知毫無備盛兵
來襲文備出奇邀擊大破之伯顏伐宋文備領左翼諸軍從抵
鄂州宋築二城夾江布戰艦數千艘軍不得進文備泛舟出輪
河徑出大江攻武磯堡從阿木先渡江大軍繼之遂取鄂漢已
從阿里海牙趣湖南至潭州城文備冒鋒鏑傷右手流矢中
左臂攻愈急宋轉運判官鍾黃英等以城降遂守潭州進湖南
道宣慰使狗邊崖等州及廣東瀕海諸城已拜荆湖占城行省
參政以老致仕卒封武威郡公諡莊武

伯顏只里女真人幼穎悟能記誦事世祖潛邸得備宿衛中統初
命參議陝西行樞密院事以南庭佐之比行入奏曰關隴要地

軍務非輕阿脫仰刺國之元臣陛下力委任之伏慮臨時議論
不協必誤大計倘有異同臣請得以上聞帝可其奏遣之未幾
改行省斷事官復入宿衛李璫平朝議選宿衛之士監漢軍謁
只里監軍毗陽至元七年命為監戰以所領諸軍圍襄陽築一
字堡以張軍勢一時名將峻都劉國傑李庭等皆隸麾下攻樊
城率其軍先登破之所受賜悉分將士從伯顏次鄂州將數騎
而出與宋兵遇有部卒墮馬為所得謁只里單騎橫戈直入其
軍奪之還時糧儲不繼諸將以為憂謁只里西攻江陵龍灣堡
取其粟萬石衆賴以濟及兵東下宋將夏貴迎戰于陽邏汭伯
顏未至衆欲少俟謁只里曰兵貴神速宜及其未陣擊之遂前
衝貴軍獲戰船百餘貴敗走攻常州造雲梯繩橋以登克之徇
下安吉諸州宋降伯顏命謁只里堅守其宮號令嚴肅秋毫無

續通志卷二十一
犯入朝錄功遷浙東宣慰使鎮守紹興卒于位

脫歡札刺兒台氏父脫端爲萬戶從皇子孛山略汴京睢宿等州已移鎮蔡州脫歡襲父職從阿朮攻勝堡渡江攻下鄂漢諸州會宋軍駐丁家洲脫歡突入奪戰艦數艘攻建康太平等郡下之宋都統姜才攻揚子橋脫歡率精兵出壘東逆戰斬殺幾盡從攻揚州至泥湖遇宋軍奪三十餘艘遂進兵蘄州與宋軍戰擒柳奉使以獻旣而遣援高郵軍未至二十里會宋將率兵來漕高郵粟與戰擒之有頃宋高郵都統復率二萬人至擊敗之會只里瓦帶移北邊帝命脫歡往討與戰左臂中流矢帝慰勞之從親王幹魯忽台丞相孛羅西征皆有功官至福州路總管府達魯花赤

直脫兒蒙古氏初從太宗收河南關西諸路得民戶四萬餘以屬莊聖皇太后爲脂粉絲線顏色戶建織染七局于涿州路以直脫兒爲達魯花赤卒子哈蘭朮襲從討李璫有功授益都路蒙古萬戶監戰密州沒于軍從子忽刺出襲至元十一年從伐宋師次安慶忽刺出領山東諸軍順流東下至丁家洲遇宋將夏貴孫虎臣等戰江中宋軍大敗擒其將校三十七奪船四十艘復敗宋軍于金沙及宋師陣焦山江中時忽刺出身冒矢石沿流轉戰八十餘里身被數傷裹創力戰遂勝之宋張敷帥攻奪呂城倉丹陽縣忽刺出與萬戶懷都往救生擒以歸從下常州畧地蘄湖秀州至長橋所向輒克師至杭州伯顏命守浙江亭及還渡江敗揚州軍于揚子橋又敗真州軍追李庭芝至通海口盡降揚州及高寶真滁等城江南平遷湖州路達魯花赤已而屯守上都授行臺御史中丞積官至江浙平章政事此

傳在一百二十三卷及闕一百三十三卷又有忽剌由傳事實皆同舊史重出

石高山德興府人父忽魯虎以待衛軍從太祖定中原太宗賜以東昌廣平四十餘戶徙居廣平之洛水中統三年高山因平章塔察兒人見世祖因奏曰在昔太祖所集按察兒孛羅窟里台孛羅海牧都闊闊不花五部探馬赤軍金亡之後散居牧地多有入民籍者國家土宇未一宜招集以備驅策帝大悅曰聞卿此言猶寐而覺卽命與諸路籍其數仍命高山領之授管軍總管鎮息州軍令嚴肅居四載邊境晏然從取光州克棗陽進攻襄樊皆有功從阿朮畧地淮甸伯顏命以所部兵取寧國下無抄掠既至城下喻以禍福守者開門迎降復從至焦山與軍轉戰百餘里殺獲甚多宋平伯顏朝京師帝問有瘦而善其名伯顏以高山對且盛稱其功帝召見命自擇一

大繩以老而以所部軍俸其子領之高山辭曰臣筋力尙壯猶能爲國驅馳豈敢爲自安計帝悅命領兵北征駐亦脫山已命領三衛軍戍和林因屯田以給軍儲歲不乏用成宗憫其老以其子濶濶不花襲職卒年七十六

與魯赤札刺台人祖朔魯罕有膽力事太祖嘗被讒不許入見一日俟駕出趨前曰臣無罪若果有罪速殺臣臣將從先帝於地下不然赦臣願得自効帝笑而復用之與金人戰于野狐嶺中流矢戰愈力旣還拔矢血出昏絕竟不起帝悲悼曰朕之一臂亡矣父忒木台從太宗西征有功命領兀魯忙兀亦怯烈弘吉剌札刺兒五部軍平河南與魯赤性朴魯勇力過人早事憲宗扈駕征蜀至元六年世祖命襲父職領蒙古軍四萬戶及大舉伐宋以所部從渡江圍鄂州與魯赤抵城東南門懸金符招

之守臣張晏然出降十三年以湖北道宣慰使兼領蒙古軍時州郡初附戍以重兵民驚懼往往逃匿山澤間與魯赤止侵暴恤單弱號令嚴明民悉復業詔所在括逃等有司拘男女千餘人時軍士已還部所括者無可歸衆議悉以隸官與魯赤口斯民不幸被兵幸而骨肉完聚復羈之是重被兵也不若籍之爲民衆從之累拜湖廣平章佐鎮南王征交趾全師而還成宗大德元年卒追封鄭國公諡忠宣

冊曰伏波襄革益堅壯志廉頗善飯爲讒所止高山夔鑠魯罕癢技諒爲烈士當如此矣

劉哈刺拔都魯河東人本姓劉氏家世業醫至元八年世祖駐蹕白海以近臣言得名見世祖謂其目有火光異之遂留侍左右初賜名哈刺幹脫赤十七年擢太醫院管勾昔里吉拔宗王別里鐵木兒奉命往征帝問曰當行者多遇事汝善醫復得騎射能從行乎曰事君不辭難臣不行將何爲卽請授甲帝曰汝安用甲曰臣願備一戰士帝曰醫汝事也甲不可得惟賜以環刀弓矢等物將行聞母疾請歸省帝命給驛歸旣見母不敢以遠役告母微知之謂曰汝第行我疾安矣卽辭去忍淚不下而鼻血暴出數里不止馳至王所及將戰從王請甲王曰上不與汝我何敢與因留之使領輜重慨然曰大丈夫當効命行陣乃守營帳如婦人邪見有甲者飲以酒高價取之明日披以往王望見其介而馳使人走問免胄曰我也一人典善萬人可激我爲萬人激耳中道三遇敵射之皆不中王喜甚解衣衣之旣擒昔里吉命獻俘行宮帝見其瘠甚徹御膳羊棗以賜旣拜受先懷其美者帝問故對曰臣始與母訣今歸母幸存請以遺之帝

嘉其志命自今凡賜之食必先賜伊母以功授和林等處宣慰副使二十五年海都犯邊尙書省奏以怯伯往掌和林屯糧帝曰出納非怯伯所知哈刺斡脫赤可勝任遂使怯伯與俱會海都兵至使來報與怯伯南行六日止八兒不刺地距敵軍五六十里怯伯大懼曰事急矣不如順之劉哈刺見其有二心遂潛遁入見帝喜曰人言汝陷賊乃能來邪命與酒饌二十七年遷河東山西道宣慰使奏曰臣累職而歸衣裘盡敝河東臣鄉也乞賜錦衣爲榮帝以金織文衣賜之居二年召還諭曰自此而北乃顏故地曰阿八剌忽者素產魚吾今立城而以元連憇哈納思乞里吉里三部人居之名其城曰肇州汝往爲宣慰使仍別賜汝名曰小龍兒或曰哈刺拔都魯汝可自擇對曰龍非臣下所敢承帝曰然則哈刺拔都魯可也復賜以繡衣玉帶既至定市里安民居一日得魚九尾皆千斤遣使來獻俄召還及世祖崩太傅伯顏奉皇太后命曰東方汝嘗鎮之今以屬汝勿俟制命乃以爲咸平宣慰使成宗元貞元年召爲御史中丞行至懿州道卒

冊曰擬以鍼砭忽持矛稍殺人生人理原一學移孝作忠
請甲得錦有志竟成惟人自審

囊加帶乃蠻人世爲其國大臣太祖平乃蠻父麻察來歸從世祖伐宋有功囊加帶幼隨父習戰陳從阿朮圍襄陽授漢軍千戶伯顏軍次安慶賈似道遣宋京來請和遂遣囊加帶偕往報還大軍次建康帝聞其親與似道語召赴闕具陳其說宋使柳岳呂師孟劉岳等踵至皆命囊加帶同往返師逼臨安復遣入取降表玉璽馳獻世祖令傳密旨護宋君臣北上授安撫司達

魯花赤與阿剌罕董文炳同取台溫福州尋領蒙古軍副都萬戶江夏道宣慰使嘗言江南既平兵民宜各置官屬蒙古軍宜分屯大河南北以餘丁編立部戶絕其俘掠之害新附軍士宜賜給衣糧俾無闕乏帝納其言後命襲父職蒙古軍都萬戶成宗崩仁宗與母太后在懷州召囊加帶等諭曰今宮車晏駕皇后欲立安西王爾等當無忘世祖裕宗在天之靈盡力奉二皇子囊加帶頓首曰臣等雖碎身不能仰報兩朝之恩願効死力既至京仁宗遣詣諸王禿剌察事機時內外猶豫莫敢言囊加帶獨贊禿剌定計先發歸白仁宗問可否對曰事貴速成後將受制於人矣后意乃決以定策功累授開縣萬戶府達魯花赤同知樞密院事仁宗嘗語近臣曰今春之事吾與太后疑不能主賴囊加一語而定尋以老乞骸骨不允仁宗即位以其家

河南特授河南江北行省平章封浚都王

冊曰臨大事際貴在早計狐疑不成爲人所制識非素定倉猝曷據宜享高爵以永終譽

劉恩字仁甫其先洛水人後徙威州幼讀書勇而有謀以材武隸軍籍累功爲管軍總管從入蜀宋將以戰船五百艘載甲士三萬人夾江上游先遣萬人據雲頂山欲取漢州恩率千人渡江與戰殺其將二人士卒三千餘人授成都路管軍副萬戶從平章賽典赤攻嘉定過九頂山與宋軍遇生擒其部將十八人械送京師從皇子西平王也速帶兒征建都蠻恩將游兵爲先鋒師次其地一日三戰皆捷時師久駐食且盡恩畫策招諭沿江諸蠻得糧三萬石牛羊二萬頭士氣益振建都因山爲城山有七巔恩奪其五斷其汲道蠻窮蹙乃降入朝升管軍萬戶成

眉州尋移戍嘉定安西王遣使召恩至六盤山問曰江南已平四川未下奈何恩曰若以重臣之不徇私者奉詔督責之則半年可下矣王卽遣恩乘傳以聞帝以爲然命丞相不花等行樞密院於西川授恩同僉院事十五年重慶降宋將張萬走夔府以兵固守不花遣恩招之萬以城降旬月間得大小州邑六十有四擢四川西道宣慰使率軍萬人征斡端進都元帥師次甘州奉詔留屯田得粟二萬餘石已進兵斡端海都將迎戰恩設伏以待大敗之海都又遣八把率衆三萬來侵恩以衆寡不敵全師而還踰年卒

王國昌膠州高密人初爲膠州千戶中統元年入覲世祖察其能遷左武衛親軍千戶召問軍旅事國昌奏對甚悉帝嘉之至元五年有上書者言高麗境內黑山海道至宋境爲近帝命國昌往視泛海千餘里風濤洶湧從者恐勸還國昌神色自若徐曰奉天子威命未畢事而遽返可乎遂至黑山乃還帝延見慰勞時東曩皆內附惟日本不受正朔帝知隋時曾與中國通遣使諭以威德令國昌率兵護送道經高麗會高麗有叛臣據珍島帝命國昌與經畧使史樞等攻拔之八年復遣使往日本乃命國昌屯高麗之義安郡爲援俄卒于軍子通襲千戶從諸軍伐宋渡江鎮鄂州時潭州不下兵薄其城通以所將千人破其柵宋兵遁去通縱兵追擊殺獲甚衆從攻靜江下之通上言今南方已定而北陲未安請屯田和林率所部自効帝慰勞遣之從破敵兵于金山俘獲生口及馬羊牛駝不可勝計屯田瓜沙諸州武宗卽位遷屯儲衛親軍都指揮使鎮海口以疾卒

孫入蜀累官利州馬步軍副總管禪孫移荆湖壁從之至江陵
 右丞阿里海牙軍至江陵壁從禪孫降授管軍千戶討欽寇有
 功領本州安撫事至元五年從元帥張弘範定廣南擢管軍總
 管鎮金山居四年移鎮上海督造海舟國家始建都燕去江南
 極遠而百司庶府之繁衛士編民之衆無不仰給江南十二年
 始運江南糧初自浙西涉江入淮出黃河逆流至中灤旱站在
 五縣西南舊陸運至洪門在濟縣西南一百八十餘里入御河
 黃河北岸即古坊頭以達京後又自任城今濟寧州分汶之西北流至須城今東平州之安民
 山入清濟故漕通江淮漕經東阿至利津河入海由海道至直
 沽後因海口沙壅又從東阿陸轉二百里抵臨清下漳御至京
 嗣又開膠萊河道通海勞費不貲訖無成效十九年用丞相伯
 顏策初事海道漕運抵直沽以達京城立運糧萬石三以壁與

朱清張瑄主之乃首部漕舟由海洋抵楊村不數十日而達京
 師初運四萬六千石次年即增至二十九萬五百石民無輓輸
 之勞國有儲蓄之富視河漕之數所得益多乃顏叛壁以漕舟
 自遼陽浮海抵錦州小凌河至廣寧十寨諸軍賴以克濟除都
 水蓋通州故多水患鑿二渠以分水勢又浚阜通河廣之歲增
 漕六十餘萬石奉命括兩淮屯田得疾歸鎮江卒 朱清者崇
 明海盜也嘗為富家傭殺人亡命入海島與嘉定張瑄乘舟抄
 掠近境備知海道曲折尋就招為防海義民大兵伐宋瑄有眾
 數千負海為橫至元十一年參政董文炳遣招討使王世強招
 之降伯顏既平宋遣清等載宋庫藏圖籍自崇明州泛海入大
 都授千戶十七年以瑄從收宋二王有功授沿海招討使時東
 南漕運維艱伯顏追憶前事謂海運可行於是請於朝議造平

續通志卷二十一
底船六十艘運糧從海道抵直沽以至京命璧及清瑄共領之
初清瑄之懼捕逃海也引舟東行三日夜得沙門島又東北過
高句麗水口見文登夷維諸山又北見燕山與碣石往來若風
與鬼形迹不可得稍怠則復來亡慮十五六返私念南北海道
此固徑直不逢淺角識之及就撫遂創海運自平江劉家港入
海出揚子江盤轉通州海門縣黃連沙嘴萬里長灘開洋沿山
嶼而行抵淮口鹽城縣歷西海州海寧府東海縣過膠州牢山
一路至延真島於靈山洋投東北路多淺沙行月餘始抵成山
西行至九臯島劉公島過登州沙門島放萊州大洋收界河計
程凡一萬三千三百五十里兩月餘始抵直沽後以其路險惡
復開生道自劉家港開洋至撐脚沙轉沙嘴至三沙洋子江過
匾撐沙大洪又過萬里長灘放大洋至青水洋又經嶧外洋至

成山過劉島至之罘沙門二島放萊州大洋收進界河其道
差為徑直有千戶啟明畧者又開新道從劉家港入海至崇明
三沙放洋向東行離長灘至白水綠水入黑水大洋北望延真
島取成山轉西至劉家島過沙門島開萊州大洋進界河一歲
之中往返兩運漸多至二百餘萬石當舟行風信有時自浙西
達京師不過旬日然風濤漂沒之患無歲無之所傷民命實眾
二十年征東行省阿塔海請軍官習舟楫者同征日本命清瑄
從行是年遂罷新開河專事海運立都漕運萬戶府二以璧為
管軍萬戶清為中萬戶瑄子文虎為千戶二十三年以清瑄並
為海道運糧萬戶總四歲計之實運糧一百一萬石其間風浪
飄沒者詔令免償以海漕有勞遙授宣慰使

草木子云賜鈔印聽其自印鈔色此

官造加黑印朱如紅

清等

言山東宣慰使樂寶所運江南米陸負至淮安

三

庶官三

易師者七然後入海歲止二十萬石若出江陰入海至直沽倉
民無陸負之苦且省運值費乞罷膠萊海道運糧萬戶府而以
漕事責臣當歲運三十萬石許之元貞元年正月有飛書言清
瑄懷異圖者詔弗問二月增江西河南各參政一員以清瑄為
之大德六年中書奏清瑄屢被人言乞罷職徙其諸子官江南
者來京師時二人父子致位通顯宗戚皆累大官田園館舍徧
天下巨艘大舶交諸番中廩藏倉庾相望車馬填塞門巷僕從
佩金虎符為萬戶千戶者數十人多以金帛結貴近至是江南
僧石祖進告清瑄不法事命御史臺鞠問得實皆坐誅妻子流
遠方仍籍其家拘其軍器海舶等物中書平章而下皆以賂故
治罪武宗至大三年復用清子虎瑄子女龍往治海漕以所籍
宅一區田百頃給之娶耕錄云國朝海運自朱清張瑄始成爲
唐人亦轉東吳艘而以給幽燕如杜南壽云其此轉運也
披稻來東吳又云吳門持粟帛汎海交蓬萊此其便證也

冊曰太倉京庾仰給東南海道較險費省車擔清瑄首路
絡繹臙腫身雖不令世循其功

楊賽因不花本名漢英字熙載其先太原人唐季南詔陷播州
有楊端者以應募起復之遂使領焉五代以來世守茲土五傳
至昭無子以族子貴遷嗣又八傳至繁榮生介介生文文生邦
憲皆仕宋世為播州安撫使至元十四年邦憲言本族自唐至
宋世守此土將五百年今願納土內附世祖即降璽書授為紹
慶珍州南平等處沿邊宣慰使漢英其子也生五歲而父卒母
田氏攜至上都帝呼至榻前熟視其眸子諭宰相曰楊氏母子
孤寡萬里來庭朕甚憫焉遂命襲父職賜名賽因不花年十二
帝見其應對明敏授侍衛親軍都指揮使至元二十四年進兩

續弘治錄 卷二十八
璉千疋成宗元貞初命領播州宣撫事平伐等蠻未附漢英請
以巴力討平之大德五年西南彝宋隆濟及土婦蛇節等叛詔
湖廣平章劉國傑往討師出播境連與賊遇破之前駐蹕泥感
騎猝至漢英奮擊先進大軍繼之賊潰乘勝逐北遂降阿直下
竿籠望塵送款者相繼進屯暮窩賊衆復合又敗之墨特川擒
斬隆濟等其黨悉平八年播南盧崩蠻內侵詔率兵討之以疾
卒于軍諡忠宣

劉哈刺不花其先江西人倜儻好義不事家產有古俠士風居
燕趙有年遂爲探馬赤軍戶順帝至正十二年頽毫盜起朝廷
以太不花爲河南平章總兵討之哈刺不花上書陳十事其七
言兵機及攻守方畧太不花大喜卽辟爲掾史未幾奏除左右
司都事俾統前八翼軍爲先鋒明號令信賞罰士卒樂爲之用
而料敵成敗所向無失是時答失拔都魯軍爲劉福通所敗潰
于長葛收集散卒復屯山中哈刺不花軍于汴梁城彭子岡有
自長葛來者言總兵官已爲賊所敗次中牟乃奮然曰賊旣捷
兵必再至我不可不往兵遂整兵而前旣而有使馳報夜四鼓
賊從滑川渡河未知所向曰是必襲答失營耳我行已緩不及
事不若以精銳斷賊歸路覆之必矣於是領軍徐行天未明伏
其歸路賊果大掠輜重而回會伏軍起賊大敗盡俘之當是時
答失拔都魯雖以平章政事總大兵而哈刺不花功名與之用
埒後遷河南平章卒初哈刺不花與信州人倪晦同事太不花
爲掾史晦涉書史精文墨機識警敏太不花深加委任言無不
從而哈刺不花或有所論白多沮不行由是心銜之及太不花
敗走請求援哈刺不花知事已不可解乃縛其父子送京師致

之死不詳太時論以是少之

達禮麻識理字遵道怯烈台氏至正五年遷充經筵譯史十五年拜監察御史歷遷上諭留守兼開平府尹時字羅帖木兒擁兵京太子奔冀寧字羅命其黨集兵至上都以守禦為名達禮麻識理密請糾集兵一旦布列鐵嶺羊山下揚言四方勤王師至其黨大駭乘以東走達禮麻識理增修武備城守益嚴未幾禿堅帖木兒用子羅命以兵犯上都鐵甲馬步軍嚴野至呼聲動天達禮麻識理至飭軍士城守申明禮順之理以安人心巡視賊壁晝夜不少息及字羅伏誅禿堅奔潰上都以安界除知樞密院大撫軍院事初大撫軍院之立也太子用完者帖木兒等計專以備禦廣帖木兒既而政權不一事務益乖各復引去及達禮麻識理至整事且無可為者未幾遂卒

有怯薛官哈刺章者丞相阿魯圖孫也夜夢太祖召見語之曰我以勤勞取天下傳於妥歡帖睦爾而愛猷識理達臘不克肖以廢壞我家法苟不即改思天命不可保矣爾本功臣之後且誠實故名與語明且亟以我言告爾主若不以告吾即亟汝告而不改則吾它有處之達禮麻識理其人庶幾識事宜者然知而不言將焉用之吾其先之矣明且入見帝具以夢告帝命告皇太子比出則達禮麻識理已無疾而卒

冊曰殷宗賚弼周王幼齡經冊所記左氏尤明夢寐之說豈曰冥冥匪志奇異用勵忠貞

豈曰冥冥則志奇異也

四曰烈宗齊憲皇太后

昔皇太子北出則靈輿

而不言其恩而文書其

而不列其功其文書其

而與其合與高也且

其以禮受知天不與

其出而官命

皇清詹事府少詹事仁和邵遠平

編卷二十九

皇后

烈祖宣懿皇后 太祖光獻皇后 太宗昭慈皇后

定宗欽淑皇后 憲宗貞節皇后 世祖順聖皇后

成宗靜懿皇后 附十魯 武宗惠聖皇后 附元氏 附必氏

仁宗慈聖皇后 英宗懿聖皇后 泰定帝八不罕皇后

明宗八不沙皇后 附順帝母 文宗卜答失里皇后

寧宗答里也忒迷失皇后 順帝答納失里皇后 附奇氏

烈祖后名月倫不詳其氏生太祖有異兆烈祖歿太祖方幼部衆多歸秦赤烏有近侍脫端火兒真者亦將叛太祖泣留之脫端曰深池已涸堅石已碎留復何為竟帥衆去后怒其弱已也

歷旗將兵躬自追叛者驅其大半而還泰赤烏合七部三萬人

來攻后與太祖率部人為十三翼大戰敗走之聖武親征記云

時駐軍塔蘭 太祖思之野亦乞刺部人捏翠之子孛徒先在麾下至是自曲

諸部戒嚴凡十有二翼月倫世祖至元三年定廟制世次追上

太后暨上諸昆弟為一翼

尊諡曰宣懿皇后附烈祖為太廟第一室

太祖皇后名旭真弘吉刺氏特薛禪之女本名特因薛禪是其

所賜號猶言大賢也

初太祖在沙漠時有哈刺赤散只兒朵魯班塔塔兒亦乞烈思

將不利於太祖有抄兀兒者知其謀馳以告太祖遂起兵收海

剌兒兩帶亦兒渾之地盡誅扎木合黨惟弘吉刺入降賜名薛

雷雷班部塔塔兒部弘吉刺部皆畏太祖威不自安私會于阿

魯魯班部塔塔兒部弘吉刺部皆畏太祖威不自安私會于阿

雷雷班部塔塔兒部弘吉刺部皆畏太祖威不自安私會于阿

雷雷班部塔塔兒部弘吉刺部皆畏太祖威不自安私會于阿

雷雷班部塔塔兒部弘吉刺部皆畏太祖威不自安私會于阿

雷雷班部塔塔兒部弘吉刺部皆畏太祖威不自安私會于阿

雷雷班部塔塔兒部弘吉刺部皆畏太祖威不自安私會于阿

雷雷班部塔塔兒部弘吉刺部皆畏太祖威不自安私會于阿

雷雷班部塔塔兒部弘吉刺部皆畏太祖威不自安私會于阿

雷雷班部塔塔兒部弘吉刺部皆畏太祖威不自安私會于阿

雷雷班部塔塔兒部弘吉刺部皆畏太祖威不自安私會于阿

雷雷班部塔塔兒部弘吉刺部皆畏太祖威不自安私會于阿

雷雷班部塔塔兒部弘吉刺部皆畏太祖威不自安私會于阿

雷雷班部塔塔兒部弘吉刺部皆畏太祖威不自安私會于阿

雷雷班部塔塔兒部弘吉刺部皆畏太祖威不自安私會于阿

禮備膺於億萬年茂隆不祚

按皇后列傳按此謂為至元二年

有上光獻皇后尊諡之語其下文又稱上

聖皇后本傳所載至大二年冊文與此文體例正同是此文係

黃仁甫錄

至大所上而非至元年間之事明矣且至元初年百太祖后妃
事草創未聞有製冊之禮故依武宗紀而正之如此太祖后妃
自光獻而外有四幹耳朶約四十餘人不記氏族內多通稱皇
后者按幹耳朶譯言麻房故取以當制室之義

太宗正宮孛剌合皇后無子脫列哥那乃馬真氏號六皇后生
長子貴由將四十載矣歲辛丑十一月太宗崩后稱制于和林
者凡四年丙午秋始會諸王百官議立貴由為帝是為定宗而
朝政猶出母后閔二年帝崩世祖至元二年后始崩追諡昭慈
皇后升祔太宗廟尚有二皇后昂灰三皇后乞里吉忽帖尼六
皇后禿納吉納皆通稱后初太宗在潛邸以蒙哥即憲宗為子屬
昂灰撫育之即二皇后也乞里吉忽帖尼后憲宗二年被遷于
擴端所居地之西

定宗皇后名幹兀立海迷失氏定宗崩后挾太宗舊命抱太孫
失烈門垂簾聽政者幾四年諸王大臣多不服尋共推立憲宗
憲宗立遷失烈門于沒脫赤之地后以厭禳事覺賜死至元二
年追諡欽淑皇后

憲宗皇后名忽都台弘吉刺氏特薛禪孫忙哥陳之女也蚤崩
至元二年追諡貞節皇后升祔憲宗廟貞節初沒帝即以其妹
也速兒繼為后外有出卑三皇后歲已未從憲宗南伐薨于六
盤又有明里忽都魯皇后泰定二年詔守班禿營帳當憲宗既
長太宗為娶火魯刺部女火里差為妃後不知所終

世祖大皇后名帖古倫弘吉刺氏濟寧王按陳孫脫憐之女也
太子真金母名察必亦弘吉刺氏按陳那顏之女也當憲宗初
世祖以母弟奉命南伐駐師鄂州憲宗崩有異母弟阿里不哥
與其黨阿藍答兒等潛謀篡立乘傳調兵去開平僅百餘里后

使人謂曰發兵大事太祖曾孫真金在何故不使與聞阿蓋答
兒不能對繼聞其黨脫里赤至燕僉民兵后密遣使馳報軍前
世祖乃還中統初立爲皇后至元十年三月始授冊寶制曰天
地合德故能覆載萬物而不遺日月並明所以照臨六合而無
外至哉夫婦之大義實配陰陽之兩儀咨爾皇后弘吉刺氏咸
里名家元勳貴族備儀率禮令德來嬪自朕奉藩之初以至踐
阼之日明識遠慮裨益宏多雖禕翟正位於長秋而典冊未光
於大禮茲者文臣敷奏實協朕心今授爾玉冊寶章備物充庭
式遵古典於威恭順接下九族形雍睦之風儉素相高萬世衍
靈長之福服茲寵命益懋徽猷見元文類 尋又上尊號曰貞懿
昭聖順天睿文光應皇后世祖至元二十一年始受尊號
理特本傳及后妃年表 皆載其文錄以候考后在中宮時四快薛官嘗奏請割京城

外近地爲牧場帝允之方以圖進后至帝前將諫陽責太保劉
秉忠曰汝漢兒明達者言必主聽何爲不諫初定都時若以民
地牧馬尙可今軍民分業已久奪之可乎帝默然寢其事后嘗
於太府監支繒帛各一帝曰此軍國所需非私家物何可得支
后自是率宮人親執女工拘諸舊弓絃練之緝爲紬製衣其制
者可比綾綺宣徽院羊牖皮向置不用后取之合縫爲地毯曰
天下無棄物其勤儉類此宋幼主朝上都大宴衆皆歡甚后獨
不樂帝曰今江南已平自此不用兵革衆皆喜爾獨不樂何邪
后跪奏曰妾聞自古無千歲之國母使吾子孫及此則幸矣帝
以宋府庫寶物陳置殿庭名后視后一視卽去帝遣宦者問故
后曰宋人貯蓄將以遺子孫其子孫不能保而歸於我我又何
忍視邪時宋太后全氏至京不習風土后請聽回江南帝不允

奏至三帝曰爾婦人無遠慮若令南還或浮言一動即難保全非所以愛之也誠愛之則時加存卹使之便安可耳后益厚待之先是帽制無前簷帝出射苦日色炫日后因益以前簷又製一衣前有裳無衽後長倍於前亦無領袖綴以兩襟名曰比甲以便弓馬帝喜皆命為式翰林待制王思廉嘗進讀通鑑至長孫皇后進諫事帝命內官引至后閣講衍其說后曰是誠有益於聖衷者汝宜擇善言進講慎勿賣辭煩上聽后性明敏識事機凡國家初政左右匡維當時與有力焉十八年二月崩本傳四年今以世祖紀及后妃年表改正成宗即位追上尊諡冊曰奉先思孝臣子之至情節惠易名古今之大典惟殷娥有明德之號而周任著思齊之稱爰考舊章式崇尊諡恭惟先皇后厚德載物正位承天隆內治於公宮綱大倫於天下曩事龍潛之邸及乘虎變之秋

鄂潛班師洞悉事機之會上都踐祥居多輔佐之謀先物之明

獨斷於衷進賢之公允叶於上左右我聖祖建帝王之極功撫育我前人嗣社稷之重託臣下之勤勞灼見生民之疾苦周知灑宸極二十年垂慈範于百世惟全美聖而益聖立顯冊書而屢書不勝惓惓懇懇之誠敬展尊尊親親之義以揚盛烈以對耿光謹奉玉冊寶上尊諡曰昭睿順聖皇后欽惟淑靈在天明鑒逮下增輝燁管茂揚徽懿之音合饗太宮益衍壽昌之慶升祔世祖廟 喃必皇后者亦弘吉刺氏納陳孫仙童之女也至元二十年納為后繼守正宮時世祖春秋高后頗預政柄大臣每不得見帝輒因后自事有子一人名鐵蔑赤其餘四幹耳朵尙有稱皇后者五人云迺賢金臺集云國朝諸后太子陵皆在獨石北擅帽山

冊曰閨門近地王化所涵况當開創識量宜兼克勤克儉

紹美葛覃獨厚宋后尤人所難為內助冠全德無慙

成宗皇后名失憐答里弘吉刺氏幹羅陳之女也大德三年立為后生子德壽早薨無後武宗至大三年追上尊諡曰宗祧定位象天地之有陰陽今古同符通幽明以行典禮哀榮斯備孝敬兼陳恭惟先元妃弘吉刺氏慶毓仙源德昭彤史春宮主饋共瞻采翟之輝椒掖正名莫際飛龍之會惟貞協在中之美而慈推成物之仁靜既合夫坤元懿益彰於壺則雖小星之逮下豈眾曜之敢齊嗣服云初追懷曷已是用究成先志式闡徽稱謹上尊諡曰貞慈靜懿皇后升祔成宗殿室伏惟淑靈永伸配侑介以景福佑我無疆 上魯罕皇后伯岳吾氏武宗紀作伯要貞氏 駙馬脫里忽思之女元貞元年立為后大德三年十月授冊寶詔曰聖哲造邦始於宮壺蓋風化之原人倫之本册后對儀前

代令典世祖皇帝已嘗舉行朕即位之初立元勳世戚伯岳吾

氏為皇后然典禮未備比遵先制於十月日授以玉冊玉寶既

正位於長秋宜渙頌於大號故茲詔示咸使聞知 見典章 時帝多

疾后居中用事信任相臣哈喇孫大德之政人稱平允八年

正月平陽地震后名平章愛薛問曰災異如此殆下民所致邪

對曰天地示警於民何與后然之九年京師建天壽萬寧寺中

塑秘密佛形象猙獰后幸寺見之惡焉以帕蒙其面尋救毀去

羣臣欲上尊號帝不允后方自奏請帝曰朕病日久國事多廢

不舉寧尚理此虛文邪議遂寢然后自此得專制大德十年后

嘗謀貶帝兄答刺麻八刺之妃答吉與其子愛育黎拔力入達

在宗名 居懷州明年帝崩無子時答刺麻八刺長子懷寧王海山

武宗名 方總兵北邊后恐其兄弟立報前怨乃命取安西王阿難

名 皇太后

答來京師謀立之丞相阿忽台等欲奉后垂簾聽政遣師斷懷
寧歸路已而愛育黎拔力八達自懷州先入清宮禁既誅安西
王并搆后以私通事遷居東安州尋賜死

武宗皇后名真哥弘吉刺氏脫憐子逆不刺之女也至大三年
册為后無子英宗即位給鈔七十五萬貫泰定四年崩上尊諡

曰宣慈惠聖皇后順帝元統二年議立武宗后主丞相伯顏問
曰先朝既以真哥皇后無子不為祔廟今所當祔者明宗母邪

文宗母邪太常博士遼魯曾對曰真哥皇后早膺册寶則文明
二母皆妾也豈可以無子故不為立主於是升祔之禮乃定

妃亦乞烈氏世祖皇子安西王忙哥刺之女所出生子和世琿
是為明宗天曆二年追諡仁獻章聖皇后至正六年改擬徽號
曰莊獻嗣聖皇后順帝紀稱唐兀氏生子圖帖木爾是為文宗

天曆二年追諡文獻昭聖皇后本末紀要載述哥失里皇后為真哥后之從妹

仁宗皇后名阿納失舍里弘吉刺氏生子碩德八剌是為英宗
皇慶二年八月立為后制曰朕荷天地祖宗之祐皇太后之訓

嗣大歷服思底于治必立元配表正六宮咨爾弘吉刺氏實我
家世戚嫡嗣所自出積德流慶肆啟爾來嬪於朕淑慎孝恭令

譽昭聞承命慈闈爰正爾位今授爾玉册玉寶命爾為皇后惟
天地定位萬物以生日月並照萬國以明君后合德萬化以成

上以事上帝奉宗廟下以親九族正萬邦為朕內助惟爾之賢
其永念厥德履中體順俾聖母暨予一人以寧豈惟爾嘉天亦

丞相念爾共享有國爾其欽哉見元文類翼日頒示天下詔曰
易述家人詩美關雎故帝王受命必建置后妃所以順天地之
義重人倫之本也弘吉刺氏蚤出世戚來嬪我家事太后有孝

恭之懿輔朕躬著淑慎之善已於三月日立爲皇后於戲位乎
內位乎外得政道之相成用之國用之鄉庶民風之不變故茲
詔示咸使聞知見典英宗嗣位尊爲皇太后冊曰坤承乾德所
以著兩儀之稱母統父尊爰以崇一體之號故因親而立愛宜
考禮以正名恭惟聖母溫慈和惠淑哲端懿上以奉宗祏之重
下以敘倫紀之常恢王化於二南嗣徽音於三母輔佐先考憂
勤警戒之慮深擁佑眇躬育提攜之恩至迨乎今日紹或不
其規摹一出於慈闈付託益彰於祖訓致天下之養以爲樂未
足盡於孝心極域中之大以爲尊庶可稱其嘉美式遵貴貴之
義用整親親之情謹奉玉冊上尊號曰儀天興聖慈仁昭懿壽
元全德泰寧福慶皇太后伏惟祖宗縣縣長信穆穆備漆書之
錫福粲坤極之承天啟佑後人永錫膺祚明日受百官朝賀于

興聖宮詔曰聖人之德無加於報本孝子之至莫大乎尊親朕
肇纘丕圖恪遵先典欽惟儀天興聖慈仁昭懿壽元全德泰寧
福慶皇太后仁明淵靜淑睿懿恭定大策於兩朝功施社稷著
徽音於四海慶衍本支夙荷宮慈撫予眇質思仰酬茲厚德宜
首進以隆名謹上尊稱曰皇太后於戲慶禮備成丕正彝倫之
敘綸音誕布聿新孝治之風咨爾多方體予至意見典至治二
年崩追上尊諡冊曰致孝所以揚親易名所以表行矧爲天下
母而養弗逮履天子位而報未豐曷勝孺慕之心必盡欽崇之
禮欽惟先皇太后夙明壺則克嗣徽音輔佐先朝有恭儉節用
之實誕育眇質有劬勞顧復之恩九族咸育於仁四海仰遵其
化昊天不弔景命靡融愴聖善之長違念風猷之未泯是用掄
揚於彤史正宜敷錫於慈闈爰據彙經追崇廟號謹奉玉冊寶

上尊號曰莊懿慈聖皇后伏惟淑靈如在合饗太宮鑿格孔昭
膺茲鉅典陰相不祚億萬斯年升祔仁宗廟

英宗皇后名速哥八刺亦乞烈氏昌國公主益里海泥女也至
治元年十二月冊為后無子泰定四年六月崩諡曰莊靜懿聖
皇后英宗南坡之變典禮闕如後至元二年始同武宗明宗后
升祔入廟

泰定帝皇后名八不罕弘吉刺氏按陳孫幹留察兒之女泰定
元年三月立為后冊曰在昔正始之道必先內治於以奉奉宗
祧化成天下朕嗣大歷服祗循憲章宜資配助用彰位號咨爾
弘吉刺氏淑慎柔嘉遵道是行輔佐王邸謙抑自持實生元子
國本斯建興龍重鎮介子紹封粵若臨御之初贊畫計慮厥相
維多正位中宮天人協祥今授爾玉冊寶章立爾為皇后坤順

承天人道攸則表正母儀萬邦是觀維躬儉節用則徽音是嗣

惟求賢審官則私謁靡干臣朕德格朕心實為有賴詩書所稱

罔專美於前代噫敬厥初終有慶尙其念哉以膺爾景命見元文類

袁稱 妃三人曰撒答巴刺帝姊壽寧公主女泰定三年納之

宮中早卒曰必罕曰速哥答里皆弘吉刺氏脫憐孫克王買住

罕之女文宗天曆初與后俱徙東安州按燕鐵木兒傳有取泰

泰定后尚有亦憐真八刺皇后忽刺皇后也速皇后十顏怯里

述失皇后失烈帖木兒皇后鐵你皇后俱無傳未能定其所取

為何后 紀事本末云泰定二年帝 明宗皇后名八不沙乃蠻真氏成宗之甥壽寧公主女也侍明

宗潛邸生子懿璘質班是為寧宗天曆二年明宗稱制于和林

而文宗在上都已稱帝方往迎至旺忽察都之地明宗暴崩於

是文宗復即位立寧徽寺俾掌明后宮事嘗以鈔萬錠幣帛二

千正供后官費用后請為明宗資冥福命帝師率羣僧作佛事
 七日于大天源延聖寺道士建醮于玉虛天寶太乙萬壽四宮
 及武當龍虎二山至順元年四月文宗十答失里皇后與宦者
 拜住謀弒后后暴崩後至元二年始同武英二后升祔入廟
 祀名脫忽思主明宗幄殿至順二年賜湘潭戶四萬為湯沐
 邁來迺者罕祿魯氏郡王阿兒斯蘭之裔也明宗北狩過其部
 納焉生子妥懽帖睦爾是為順帝當文宗在位忌之命侍書學
 士虞集草詔言妥懽帖睦爾非明宗所出遷之廣西及即位始
 追尊為貞裕徽聖皇后史云文宗立即上諡冊者誤按妥懽
 帖睦爾有言為宋濂國公事實今附見日程克勤
 即濂國公之后者錢謙益有言濂國公事實今附見日程克勤
 未遺民錄載濂國公事以詞人余應詩及袁忠徹記為後椒丘
 河喬新注余詩甚詳而袁記多所抵牾初權衡作度申帝大
 事記與余詩若合符節權記云宋江南歸附濂國公入都日願
 為僧白塔寺中已而徙甘州山寺有趙王者憐其老且孤贈以
 回回女子延祐七年四月十六日夜生一男明宗適自北方來

見上無有惟今亦產一男耳明宗因求為子并載其母以歸即
 妥懽帖木兒也以元史及諸書考之宋幼主降封濂國世祖
 金龍舒爪纏殿杜明曰濂國來朝上所奏桂下世祖欲除之遂
 乞從釋號合尊大師史云濂國以德祐丙子降年甫六歲後十
 二年為至元戊子學佛法于吐番余應詩云皇宋第十六飛龍
 元朝降封濂國公元君龍公尚公上時蒙賜宴明光宮酒酣舒
 指爬金柱化為龍爪驚天容侍臣謀將見除公主夜泣請歸
 胸幸脫虎口走方外易名合尊沙漠中此濂國北徙之本末也
 延祐丙辰仁宗命明宗出鎮雲南明宗不受命逃之漠北與濂
 國締交蓋在此時妥懽帖木兒以元統癸酉即位年十四其生
 在延祐庚申上距丙子凡四十四年而濂國始五年四月其生
 明宗北狩過阿兒斯蘭之地納罕祿魯氏延祐七年四月丙寅
 生帝于北方罕祿魯氏即濂國所納也余詩云是時明宗在沙
 漠締交合尊情願濃合尊之妻夜生子明宗稱帳間年鏞乞歸
 行營養為嗣皇考崩時年甫童此明宗養子之本末也文宗疾
 大漸召皇后太子大臣曰旺忽察都之事朕生不夫錯我死迎
 立妥懽帖木兒庶可見明宗于地下無錢木兒不可請立寧宗
 不踰月而崩久之乃奉太后后詔迎妥懽帖木兒于靜江余詩曰
 文宗降詔移南海五年仍歸居九重此順帝即位之本末也蓋
 妥懽帖木兒非明宗子中外流聞大者特苦傳播簡冊即至元
 六年丙申之詔有曰文宗私圖傳子謂朕非明宗子仰屈居遐
 颺祖宗大業幾於不繼

在順帝亦不得而諱矣

文宗皇后名十答失里弘吉刺氏駙馬魯王璘阿不刺女也天曆元年立爲后二年二月授冊寶生子燕帖古思十一月后出銀五萬兩助建大承天護聖寺至順三年八月文宗崩于上都丞相燕鐵木兒請立燕帖古思后不從復申文宗固讓初志乃立明宗次子懿璘質班是爲寧宗時年甫七歲后同聽政十一月奉玉冊寶尊爲皇太后遂御興聖宮受朝賀寧宗在位踰月崩燕鐵木兒復請立燕帖古思后曰天位至重吾子尚幼明宗長子妥懽帖睦爾在廣西今十三歲矣理當立於是遣使迎至約傳位燕帖古思若武仁故事順帝元統二年上尊號曰贊大開聖仁壽徽懿昭宣皇太后後至元元年加上尊號曰貞文慈佑儲善衍慶福元太皇太后仍稱制臨朝詔曰欽惟太皇太后承九廟之托敢兩朝之業親以大寶付之眇躬尚依靡佑之慈恪遵仁讓之訓爰極尊崇之典以昭報本之忱肅上徽稱宣告

中外南臺御史泰不花奏言嫡母不宜加徽稱后初聞之怒徐解曰風憲有臣如此可謂能守祖宗之法者矣賜金幣以旌其直六年六月詔削去尊號安置東安州尋卒于徙所

語詳順帝紀

冊曰婦人蔽罔執拘成風舍子立姪廓然大公報之非禮乃不令終魯桓衛成宋之太宗因讓啟禍將無與同

寧宗答里也祕迷失皇后弘吉刺氏至順三年十月立爲后至正二十八年崩升祔寧宗廟

順帝答納失里皇后欽察氏太平王燕鐵木兒女也至順四年立爲后元統二年授冊寶三年后兄御史大夫唐其勢與丞相伯顏爭權坐謀逆誅時后弟塔刺海走入宮匿后坐下后以衣蔽之左右曳出斬首血濺后衣伯顏奏曰豈有兄弟爲逆而后

黨之者遂併執后后呼帝曰陛下救我帝曰汝兄弟為逆豈能
 相救乃遷出宮尋鳩殺于開平民舍 伯顏忽都皇后弘吉刺
 氏武宗真哥皇后姪毓德王孛羅帖木兒女也後至元三年立
 為后生子二歲而天后性節儉不知忌動中禮法第二皇后奇
 氏素有寵居興聖西宮帝希幸東內左右以為言后無幾微怨
 望意從帝時巡上京次中道一夕帝遣內官傳旨欲臨幸后口
 暮夜非至尊往來之候中使反復者再竟不納帝益賢之居坤
 德殿終日端坐未嘗妄踰戶闕至正二十五年八月崩年四十
 二奇氏見后遺衣樸素損補笑曰正宮所服何至如此踰月皇
 太子自蕞寧歸哭之甚哀 完者忽都皇后姓奇氏高麗人起
 家微綴政院使禿滿迭兒進之為宮女主供茗飲后性媚且見
 寵幸生子愛猷識理達臘時答納失里皇后方驕妬知后當帝
 意數箠辱之及后遇害帝欲立焉丞相伯顏爭不可伯顏既罷
 學士沙剌班迎帝意請立為第三皇后居興聖宮至正八年監
 察御史李泌言世祖誓不與高麗共事陛下踐世祖之位何忍
 忘世祖之言乃以高麗女並位中宮今災異屢起河決地震盜
 賊滋蔓皆陰盛陽微之象乞仍降為妃庶使三辰定位災異可
 息不聽然后故能矯飾每暇則取女孝經史書訪問歷代皇后
 之有賢行者為法四方貢獻珍饈輒先遣使薦太廟然後敢食
 至正十八年京城饑后命官作糜粥以賑更出金銀粟帛命宦
 者朴不花於京都十一門置冢收瘞死者遺幣十餘萬復命僧
 建水陸大會度之時愛猷識理達臘已立為皇太子輟詳錄云
端本堂忽一日帝師來啟母后曰向者太子學佛法頓覺開悟
今乃使習孔子之教恐壞太子真性后曰我雖居深宮不明道
德嘗聞自古及今治天下者須用孔子之道舍此他求即為異
端佛法雖好乃餘事耳不可以治天下安可使太子不讀書帝
續通志

師叔服 帝頗怠於政后與太子遽謀專國帝覺其有異志怒疏而退 之兩月不見初奇氏之族在高麗者怙后勢驕橫不佞高麗王伯顏帖木兒盡殺其族至是后謂皇太子曰爾年已長何不為我復讎遂廢伯顏帖木兒別立其弟塔思帖木兒為王以奇族子三寶奴為元子以將作同知崔帖木兒為丞相將兵萬人送之國至鴨綠江為高麗伏兵所敗僅餘十七騎還后大慚悔二十四年七月太尉李羅帖木兒自大同稱兵犯闕太子奔冀寧李羅因喉御史武起宗奏言后撓亂國政宜遷出外帝不答明年三月李羅矯制幽后于諸色總管府令其黨姚伯顏不花守之未幾脇后還宮取印章偽為書召太子復出后幽之舊所后納美女於李羅求免至百日始還宮李羅既誅后又傳旨令擴廓帖木兒以重兵擁太子入大都欲圖專國政擴廓逆知其意未至京城三十里即散遣其軍事又中止 事見傳會伯顏卷 都皇后崩中書省奏請奇氏正位帝不答十二月始授冊寶立為后改賜肅良哈氏諡天下仍追封奇氏三世皆王爵二十六年六月千秋節百官進箋后諭左丞相沙藍答里曰自世祖以來正宮皇后壽日未嘗進箋近年雖行不合典禮却之後從歸沙漠 瓦只刺孫答里氏皇太子妃也至正二十六年四月立後不知所終

冊曰有元椒風選與古異惟弘吉刺婚媾世締男皆尚主女為皇妃雖云德升亦曰族儼多后並嫡母乃非制

公主

烈祖女帖木倫 李禿 子瑣兒哈 太祖女火臣別吉 李禿 孫札兒臣
野立安敦 巴而木阿 合 阿刺海別吉 李要 太宗女唆兒哈罕

續通志卷二十九 皇后

納合 附特薛禪 按陳那顏定宗女葉里迷失君不巴巴哈兒火亦哈兒的斤

憲宗女伯雅魯罕忽隣皇子拖雷女也速不花韓陳

獨木干蘇古世祖女兀魯真花 韓羅陳子台月烈愛不

忽都魯揭里迷失王傑太子真金女忽答迭迷失思 潤里吉

木安忙哥台脫鐵木兒喃哥不刺台 蠻子成宗女亦里海牙阿失

愛牙失里潤里皇孫答刺麻八剌女祥哥刺吉期阿不刺

子阿里仁宗女潤潤倫脫羅明宗女不答昔里附安妥禪

嘉室利魯倫普顏可里美思烟合牙月魯拜答沙等

烈祖女帖木倫適孛秃亦乞烈氏孛秃善騎射太祖初嘗潛遣
木兒徹丹出使過野兒古納河孛秃知之會日暮留止宿殺羊
為食見其馬疲乏復假以良騎及還待之有加木兒徹丹歸具
以告太祖大喜許妻以皇妹孛秃因遣族人詣太祖致言曰臣

聞威德所加若雲開見日春風解凍喜不自勝太祖問孛秃
畜幾何對曰有馬三千請以其半為聘太祖曰婚姻論財商賈
也昔人有言同心實難朕方欲取天下汝等効忠於我可爾何
以聘為竟以皇妹帖木倫妻之既而札赤刺友札木合脫也等
以兵三萬入寇孛秃遣使來告乃與哈刺里札刺兀塔兒哈泥
等同討脫也掠其輜重寇盡降乃蠻叛太祖名孛秃以兵至大
戰敗之皇妹薨太祖復以皇女火臣別吉為繼又從木華黎略
地遼東西以功封冠懿二州從征西夏病卒進封昌王諡忠武
帖木倫號昌國大長公主子鎖兒哈事太宗從木華黎取嘉
州遣使來獻捷太宗曰若父宣力國家朕昔見之今其子克尤
前烈命以金錦金帶為賜卒于中都鎖兒哈娶皇子濶出女安
秃公主生女為憲宗皇后當是通稱皇后者非貞節后也孫札忽兒臣從定

宗討萬奴有功太宗命親王安赤台以女也孫真公主妻之卒
封昌王札忽兒臣生二子長曰月列台尙皇子賽因主十女皇
內無此名哈答罕次曰忽隣亦尙憲宗女其制凡王子女皆概
未知何系稱公主云

太祖女大臣別吉公主適孛堇爲繼室封昌國大長公主詳見

野立安敦公主適巴而木阿而忒的斤亦都護亦都護者高昌
國主號也先世居畏兀兒之地有和林山二水出焉曰禿忽刺
曰薛靈哥一夕有神光降於樹在兩河之間居民往候之樹乃
生瘦若懷妊狀越九月十日而樹瘦裂得嬰兒五人土人奇而
收養之其最稚者曰布可罕既壯雄武遂能有其土地民人而
爲之君長傳三十餘君是爲玉倫的斤事荒遠不能紀其世次
玉倫的斤亦雄武數與唐相攻戰唐人患之議和親於是唐以

金蓮公主妻玉倫之子葛勵的斤居和林別力跋力答猶言婦人所居

山又有山曰天哥里于答哈言天靈山也南有石山曰胡力答哈言福

山唐使與相地者至其國曰和林強盛賴此山耳壞其山則其
國可弱乃僞告玉倫曰旣爲婚姻將有求於爾其與之乎福山
之石於汝國無所用而唐人願見請載以歸許之石大不能動
以烈火焚之沃以醋其石立碎乃輦之去當福山之移也國中
鳥獸躑躅悲號若有所失者後七日玉倫的斤卒災異屢見民
弗安居傳位者又數亡乃遷于交州州即火統別失八里之地北
至阿木河南接酒泉郡東至兀敦甲石哈西臨西番居是者九
百七十餘載至巴而木阿而忒的斤素臣事契丹爲其屬國歲
已巳間太祖興朔方遂殺契丹所置監國官欲來附未行太祖
遣使適至其國亦都護大喜卽遣使入奏曰臣聞皇帝威德卽

葉契丹舊好歸命聖朝不意天使降臨下符夙願願率部眾為臣僕遂朝太祖于怯綠連河奏曰陛下若恩顧臣使得與陛下四子之末庶可竭犬馬之報太祖感其言使尚公主野立安敦且令得與諸子序列後從遮別那顏征罕勉力鎖澗回鶻諸國將部曲萬人以先紀律嚴明所向克捷又從征你沙十里及河西皆有功既卒子孫嗣為亦都護

冊曰草昧之際率先歸命乃克世嗣知幾獲慶山焚國弱瘦裂兒生代既綿邈言亦不經

阿刺海別吉公主適李要合汪古部人父阿刺兀思別吉忽里本白達達部主系出沙陀鴈門之後自遠祖十國世為部長金源氏塹山為界以限南北阿刺兀思以一軍守其要衝為諸國間鎖鑰時西北有國曰乃蠻其主太陽可汗心忌太祖遣使約

白達達部欲同據朔方部眾有欲從乃蠻者阿刺兀思不可執其使來告遂約同攻乃蠻先期至戰于沆海山大敗之降其國復從下中原為嚮導南出界垣太祖使歸鎮本部既還為前部眾異議者所殺長子不顏昔班併死之其妻阿里黑攜幼子李要合及從子鎮國夜遁至界垣告守者絕城以入因避地雲中太祖既定雲中購得之賜與甚厚追封阿刺兀思別吉忽里為高唐王命其子李要合從攻西域還封北平王以女妻之則阿刺海別吉公主也公主素明敏有智略太祖征伐四出嘗使留守軍國大政悉諮稟而後行故師出無內顧憂中年未有子乃多進姬妾生三子視之皆如已出李要合卒追封高唐王諡武毅成宗朝加贈駙馬都尉進封趙王公主追封皇祖姑趙國大

長公主蒙達備錄云太祖女七人長三阿其鬻拽嫁豹突駙馬

二日阿里黑百因谷曰必姬夫人嫁金國亡臣白四部

續弘治錄

公主

寡居令領白蠶國事有婦士數千人之凡征伐斬殺皆自
巴出三日阿五嫁尚書令國舅之子餘未知名又國王摩睺羅
之妻亦稱賴蠻公
主未詳何帝女

太宗女峻兒哈罕公主適納合其祖曰特因弘吉刺氏世居朔
漠從太祖起兵有功賜名薛禪故兼稱曰特薛禪女歸太祖即
光獻皇后子曰按陳從太祖征伐平西夏斷潼關道取回紇諸
城凡三十二戰皆有功賜號按陳那顏尋封河西王以統其國
族又賜俘獲軍民五千二百仍授萬戶領之女二人並歸憲宗
即貞節皇后姊妹也孫曰納合至是尚太宗女按陳卒元貞元
年追封濟寧王諡忠武

定宗女葉里迷失公主適君不花趙武毅王孛要合長子也封
趙王諡忠襄子囊家台亦尚亦憐真公主未詳何帝女囊家台
封趙王諡忠烈君不花弟喬鄰察尚回紇公主囊家台子馬札
罕亦尚桑哥不刺公主皆封趙王不詳何帝女以上公主皆號
趙國大長公主

巴巴哈兒公主適火赤哈兒的斤乃巴而木阿而忒的斤曾孫
也嗣亦都護當海都之亂叛王篤哇率兵十二萬圍火州六月
不解以書射城中言能以女與我則休兵不則當急攻亦都護
曰吾豈惜一女而不以救民命乎然忠臣不事二主吾終不能
與之相見以其女絕城出與之篤哇始解去後入朝世祖嘉其
忠使尚定宗女還鎮火州亦都護歸兵方尚寡北軍忽至大戰
力盡死之 子紐林的斤尚幼詣闕請兵復父讎帝壯其志妻
以太宗孫女曰不魯罕公主未幾薨又尚其妹曰八十一留鎮
永昌禦吐番能稱其職武宗名還仍嗣亦都護仁宗考稽故實
改封高昌王賜金印其王印行諸內郡亦都護印行諸畏兀兒

境八十義薨復尚兀刺真公主安西王阿難答女也子帖木兒
補化大德中尚太宗濶端太子孫女朶兒只思蠻嗣高昌王泰

定中與威順王寬徹普化等分鎮襄陽文宗名至京佐平內難
天曆中累拜中書左丞相而帖木兒補化之先高昌王雪雪的

斤雪雪子荆南王朶爾斤皆世尚主為駙馬都尉但不詳所
尚何帝何公主云朶爾斤子伯顏不花的斤官浙東宣慰使

見忠節傳水東日記云按高昌王世勳碑帖木兒補化有二子
長不答失里嗣亦都護高昌王尚阿哈也先忽都公
主次伯顏不花的斤為太常鮮于樞甥官浙東宣
慰使不答失里子和賞嗣位鎮甘肅與本傳異

憲宗女伯雅魯罕公主適忽隣昌王札忽兒臣次子也未幾公
主薨當脫黑帖木兒叛世祖命忽隣往討大戰克捷世祖嘉之

復命尚憲宗孫女卜蘭奚公主宋平封以廣州乃顏聲刺哈兒
叛帝親征時薛徹堅等與哈答罕屢戰帝召忽隣至值薛徹堅

等戰于程火失溫之地敵勢甚盛忽隣以兵二百出不意突擊
敗之哈答罕走度孫河踰年帝命忽隣復征之至曲列兒塔兀

見二河之間大戰其衆皆度塔兀河走餘各逃匿山谷忽隣率
衆徒步追之薛徹堅止之曰彼亡命者不可輕身深入不聽直

前往竟殪其衆又踰年復命征哈答罕與過于兀刺河忽隣夜
率千人襲其軍盡殺之卒贈駙馬都尉封王如其父諡忠宣按

國傑傳云子脫歡為湖廣
平章尚憲宗女未詳何名
皇子拖雷女也速不花公主適韓陳濟寧王按陳那顏子也歲

戊戌授萬戶尚主號魯國大長公主
獨木干公主適聶古解北平王鎮國之子也初阿刺兀思別吉

忽里遇害其妻孥幼子逃歸併其從子鎮國同至界垣太祖以
其子孛要合尚幼先封鎮國為北平王子聶古解襲遂尚皇子

女後略地江淮卒于軍賜興州民千戶

世祖女兀魯真公主下嫁孛花駙馬都尉忽隣從弟也孛花弟

鎖郎哈娶安西王忙哥刺女奴兀倫公主生女為武宗皇妃實

生明宗後諡仁獻章聖皇后

曩加真公主下嫁幹羅陳濟寧王按陳弟納陳子也初納陳曩

萬戶帥師伐宋攻釣魚山從世祖南涉淮甸平山東後北伐阿

里不哥皆以其子幹羅陳等十人從至莽來山失木魯追擊至

孛羅克禿白且及久斬首萬級功為最亦尚太祖孫女薛只干

公主幹羅陳曩萬戶初尚完澤公主號魯國長公主完澤薨繼

尚曩加真公主至元十四年幹羅陳卒無子弟帖木兒曩以從

征乃顏功二十四年封濟寧郡王賜白傘蓋寵之討叛王哈丹

等由龜刺見河轉戰至惱木連河殲其眾賜名按察兒禿那顏

以旌其功卒子幼弟蠻子台襲萬戶而曩加真公主守節十餘

年後再適焉先是弘吉刺部族居苦烈兒溫都兒斤迭烈木兒

野里古納河之地後太祖屢賜按陳等農土循言疆界也迤東絡馬

河至赤山塗河與亦乞烈思為鄰迤南與國民為鄰至元七年

幹羅陳及曩加真公主請於朝曰臣等所受上都東北三百里

答兒海子實本藩駐夏之地願建置城邑世祖許之城成賜名

應昌府後改為路元貞元年蠻子台復與公主請於應昌路東

七百里駐冬之地建城邑成宗亦許之大德元年名其城曰全

寧路當至元初其所分燕南地則有濟寧路及濟交單三州鉅

野郵城金鄉虞城碭山肥城任城魚臺沛單父豐嘉祥滋陽寧

陽曲阜泗水一十六縣又汀州路長汀寧化清流武平上杭連

城六縣至大元年武宗又益賜永平路灤州盧龍遷安撫寧昌

黎石城樂亭六縣皆聽其陪臣為達魯花赤其應昌全寧二路則自達魯花赤總管以下諸官屬皆得專任其陪臣而王人不與焉此外復有王傅府自王傅六人而下其羣屬有錢糧人匠鷹房軍民軍站管田稻田烟粉千戶總管提舉等官以署計者四十餘以員計者七百餘其五戶絲金鈔之數濟寧路則三萬戶汀州路則四萬戶絲以斤計者歲二千二百有奇鈔以錠計者歲一千六百有奇此所謂歲賜者也蓋弘吉刺氏為有元功臣之首戚晚之宗故一時寵賚之盛莫與比成宗初封囊加真為皇姑魯國大長公主以金印封蠻子台為濟寧王賜銀七萬六千五百兩且為公主建佛寺于應昌給鈔千錠蠻子台嘗私殺罪人御史臺言其專擅帝令諭彼知之奉命討海都篤哇既與之遇未嘩單騎突入往復數四敵大擾一戰遂捷時武宗在

瀋邸鎮朔方有旨令蠻子台總蒙古軍民官輔之守莽來以

北兵囊加真公主薨繼尚太子真金女喃哥不剌公主按陳弟曰火忽有孫曰不只兒亦尙公主曰幹可真濟寧郡王帖木兒次子桑哥不剌自幼奉世祖命養于幹可真所不知為何帝公主表亦未詳

冊曰功雖最高賞亦無藝北既延袤南復屬隸繫若臣僚充盈金幣尾大不掉亦非長計

月烈公主世祖季女也下嫁趙武毅王字要合次子愛不花中統初統兵討阿里不哥敗濶不花于按檀火爾歡之地圍李壇于濟南獨當一面又從征西北叛王之黨皆有功亦封趙王諡武襄公主號趙國大長公主

忽都魯揭里迷失下嫁高麗世子王慎初至元八年高麗王王

祖遣使入朝請結婚世祖許之十一年五月皇女下嫁七月王

祖薨命懋襲爵十一月公主入高麗十三年懋表奏改名睦十

五年賜駙馬高麗王印俱詳高麗傳成宗即位封皇姑安平公主元

貞二年史臣進所譯世祖實錄帝曰忽都魯揭里迷失非昭睿

順聖太后所生何為亦稱公主蓋庶出也子諫尙皇孫甘麻刺

女剌國長公主十答失利生子燾初尙營王也先帖木兒女濮

國長公主亦憐只班繼尙魏王阿木哥女曹國長公主金童燾

弟嵩亦娶梁王松山女皆稱高麗王妃世祖本紀載中統四年給公主拜忽魯印其所

屬置達魯花赤賜所部鈔千錠又給公主銀五萬兩未詳驛馬名

太子真金女忽答迭迷失公主適闊里吉思趙武襄王愛不花

之子也性勇毅習武事尤篤好儒術嘗築萬卷堂於私第日與

諸儒討論經史性理陰陽術數靡不該貫繼尙成宗女愛牙赤

里公主宗王也不干叛濶里吉思率精騎千餘晝夜兼行伺

追及其馬尾時方暑將戰北風大起左右請待之闊里吉思曰

當暑而風天贊我也策馬赴戰騎士隨之盡殲其衆也不干以

數騎遁去闊里吉思亦身中三矢斷其髮凱還賜金如賞例成

宗即位封高唐王時西北蠢動再三請往討帝乃許及行且誓

曰此去不平定西北吾馬首不南大德元年夏遇敵于伯牙思

之地衆謂當俟大軍畢至與戰闊里吉思曰大丈夫報國而待

人邪即整衆鼓譟進擒其將卒百數以獻詔賜世祖所服貂裘

寶鞍及介冑戈戟等物二年秋諸王將帥共議防邊咸曰敵往

歲不冬出且可休兵境上濶里吉思曰今秋候騎來者甚少所

謂鷲鳥將擊必匿其形備不可緩也獨嚴兵以待是冬敵果大

至三戰三克遂乘勝逐北深入險地後騎不至馬蹶被執敵誘

之使降不屈又欲以女妻之濶里吉思毅然曰我帝婿也若何
人而婚我敵不敢逼帝嘗遣其家臣至敎境濶里吉思一見輒
問兩宮安否次問嗣子何如言未畢左右即引去竟不屈死九
年追封高唐忠憲王加駙馬都尉階爵如其祖公主皆封趙國
大長公主 子术安幼諂以其弟术忽難襲高唐王术忽難才
識有父風撫民御衆境內又安亦尚阿失秃魯公主不詳何帝
女痛其兄死節教養术安過於已子命家臣中謹厚者掌其兄
之珍服秘玩待术安成立悉以付焉至大二年加封趙王即以
讓术安卒封鄒王諡忠襄三年术安襲趙王尚晉王女阿刺忒
納八刺至治元年賜鈔五十萬貫封趙國公主一日术安召王
傅脫歡謂曰先王旅殞卜羅荒遠之地神靈何依痛心寤安若
得歸葬先塋瞑目無憾其傅爲之請帝嗟悼良久曰孝子也即
命脫歡之子失忽都乘傳往遣兵五百人護行至殯所奠告啟
視尸體如生遂得歸葬

冊曰謀勇邁倫忠節蓋世雖當死亡不易其志爲弟則友
爲子克孝至行一家史書炳耀

忙哥台公主適脫鐵木兒不詳其氏族大德十年封濮陽王賜
金印封公主爲鄆國大長公主 按年表及通考俱無鄆國正有
寧濮郡王昌吉維仁宗紀則有封鄆國大長公主忙哥台適駙馬
鄆國爲大長公主之文未知孰是 皇慶元年四月置濮陽王傅
官四員復賜西寧州租稅十月封脫鐵木兒爲岐王延祐四年
加封公主爲皇姑大長公主賜金銀鈔幣各以三千計

喃哥不刺公主適蠻子台初蠻子台先娶其嫂囊加真公主至
是復以太子真金女爲繼室 詳見上

成宗女亦里海牙公主下嫁阿失駙馬都尉忽隣子也大德五

年從晉王討篤哇戰于哈刺各山射篤哇中膝幾殲其黨篤哇
僅以身免至大元年封昌王賜金印置王府官屬仁宗朝復賜
寧昌縣租稅繼尙憲宗曾孫女買的公主泰定元年封皇妹昌
國大長公主給銀印

愛牙失里公主下嫁闊里吉思爲繼室封趙國大長公主

皇孫答刺麻八刺廟號順宗女祥哥刺吉適瑯阿不刺萬戶斡羅陳

長子也武宗初襲萬戶尙主封皇妹魯國大長公主賜瑯阿不

刺金印封魯王以永平路爲公主分地食其租更欲賜其路鹽

課中書省執不可乃止仁宗卽位進號皇姊大長公主賜鈔萬

錠尋奉皇太后旨以永平路歲入除經費外悉以賜之泰定元

年以公主女適懷王圖帖睦爾是爲文宗十答失里皇后文宗

卽位賜鈔二萬錠構居第諭侍臣曰皇姑魯國大長公主蚤寡

守節鞠育遺孤子襲王爵女配予一人其在庶民之家尙當表

揚以勵風化况屬懿親乎乃議加封號曰徽文懿福貞壽大長

公主以淮湖山東河間四轉運司鹽引六萬爲湯沐費至順元

年九月丙申以公主邸第未完給鈔萬錠命平章亦列赤董其

役已亥賜平江官田五百頃壬寅賜鈔萬錠命丞相燕鐵木兒

詣其第送之二年公主薨子阿里嘉室利至大三年甫八歲

襲萬戶四年襲封魯王尙朶兒只班公主不詳何帝女至順間

封號肅雍賢寧公主弟桑哥不刺成宗時尙普納公主亦不

詳何帝女至順間封鄆安大長公主桑哥不刺封鄆安王授金

印元統元年授萬戶二年加封公主號皇姑大長公主桑哥不

刺爲魯王

仁宗女闊闊倫公主下嫁脫羅禾特薛禪之孫也先尙不魯罕

公主不詳何帝女繼尙闕倫公主英宗至治二年封公主
哥八刺爲趙國大長公主并封其乳母爲順國夫人以世次考
之亦仁宗女

泰定間帝師瑣南藏十尙公主封白蘭王見方外傳未詳公主
何號

明宗女不答昔里順帝至正元年封皇姊明惠貞懿大長公主
賜平江田五十頃又有安妥輝者元統二年封皇姑英壽大長
公主不詳何帝女并所適何駙馬攷公主表內有脫脫灰者稱
世祖孫女適禿滿答兒駙馬或卽安妥輝之通音與外有魯魯
罕公主適昌忠宣王忽隣從弟字花弟陵都哥繼尙魯倫公主
後至正二十三年封寧昌郡王賜龜紐銀印子不鄰吉友又尙

普顏可里美思公主嗣封寧昌郡王而昌王阿失子八刺失里
亦尙烟合牙公主泰定元年命往鎮阿難答所轄之地八刺失

里子沙藍朶兒又尙月魯公主皆襲封昌王以上公主皆號昌

國大長公主又有拜塔沙公主適濟寧王按陳裔孫買住罕台

忽魯都公主適按陳裔孫丑漢則皆下嫁于弘吉刺氏者也仁

宗朝丑漢封安遠王出總北軍守莽來而公主則皆不詳何帝

女順帝至元五年封月魯公主爲皇姊昌國大長公主則疑其

爲明宗之女輟耕錄云順帝長公主駙馬剛哈刺甫慶王元統

府諸醫莫能治廣惠司卿聶尸兒乃回國人也識此症遂剪去

之項開復生一舌又剪之而真舌遂愈未詳公主名楊慎撰

載記云大理三代總管信苴段慶人朝

封宣武將軍妻以公主亦未詳何帝女

續弘簡錄卷三十九終

續弘簡錄卷三十九終

皇清營事府少詹事仁和邵遠平成山學
里下也蓋榮皇天向以魯公主昔藥其昌王也山公主昔藥昌
國大員公主天許其器心公主昔藥其昌王對刺喬絲買昔罕台
宗師北黃桂安邊王出歸非軍中來而公主則昔不若神帝
忽魯特公主蘇刺刺喬絲買昔罕台
里下也蓋榮皇天向以魯公主昔藥其昌王也山公主昔藥昌

續通志卷之三十

系屬

納真 買奴 祖系始 翎只哈兒 乃魯帖 哈赤溫 鐵木哥幹
赤斤 脫 別里古台 罕秃忽 瓜都 乃顏 木赤 都察合台
失刺 阿刺忒納 拖雷 旭烈兀 末哥 上太祖系 潤端
潤出 失烈合 失察 海都 合丹 滅里 秃滿 上太祖系 玉龍答
失 徹徹 昔里吉 晃火帖木兒 真金 忙哥刺 阿難答 南
本合 忽哥赤 也先鐵 愛牙赤 奧魯赤 老約 潤潤出
脫歡 老章 帖木兒 不花 寬徹 普化 和尙 甘麻刺 松山
迷里哥兒 不花 答刺麻八刺 阿木哥 上世祖系 兀都思 不花 宗
巴刺失里 不花 答刺麻八刺 太子真金 系 兀都思 不花 宗
系 阿速吉八 泰定 阿刺忒納答刺 燕帖古思 上文 愛歡

識理達臘 買的里八刺 上順帝系

始祖字端义兒子曰巴林昔里刺禿哈必畜孫曰咩麻篤敦皆單傳咩麻篤敦生七子長曰既拏篤兒罕餘名皆不傳其季曰納真為贅婿于八刺忽民家初納真兄六人與押刺伊兒部鬪為所破六人者皆死而納真獨以贅不及難聞其家被禍歸視之見病嫗十數惟長兄一子海都幼尙存乃共至八刺忽之地止焉海都既長衆立之為君遂役屬諸部納真子孫後為兀察兀禿部海都子曰拜住忽兒孫曰敦必乃相繼立敦必乃子六人長葛木虎子孫為那哈合兒部次葛忽刺急哩怛子孫為大八魯刺斯部次合產子孫為小八魯刺斯部次哈刺喇歹子孫為博歹阿替部次葛赤渾子孫為阿答里急部其季曰葛不律罕嗣位亦生七子長巢斤八刺哈哈子孫為岳里斤部次八里

丹嗣位餘無後八里丹子四人長次皆無後烈祖也速該居斃三遂并吞諸部勢寢盛其弟曰答里真 答里真五世孫曰買奴英宗南坡之變買奴逃赴晉王也孫鐵木兒所願効死力及晉王為泰定帝買奴復言不除元兇則陛下美名不著天下後世何從而知非與聞其故乎於是盡誅逆黨帝以宗戚中能自振拔盡忠朝廷者惟此一人特封泰寧王賜泰寧縣五千戶為食邑二年徙封宜靖王鎮益都天曆二年文宗即位王入覲賜控鶴士二十人至順二年置王傳官後至元二年進封益王至正十七年三月毛貴陷益都王遁走 樓耕錄云海都次子察刺生一子棟忽兒兀脫送葛子孫為昔即兀刺拜住忽兒次子直罕斯子孫為大拜兀禿 按本紀稱泰定元年三月泰寧王買奴卒以其子亦憐真朵兒亦嗣者誤

烈祖生子子太祖居長次撈只哈兒王 樓耕錄作溜王 撈只哈散兒 五世孫

日月魯帖木兒泰定三年嗣封齊王文宗初立丞相倒刺沙起兵上都與遼王脫脫共立泰定子阿速吉八爲帝屢入犯大都月魯帖木兒以兵圍上都殺脫脫執送倒刺沙赴京師論功居最天曆二年薨

次哈赤溫大王孫曰合丹世祖至元中乃顏叛合丹附之屢入寇次孫朶列納皇慶元年封吳王三世孫爲木喃子潑皮天曆二年而徵至京至順元年徙封木喃子爲吳王潑皮爲濟陽王三年木喃子同諸王答都等俱入朝

次鐵木哥幹赤斤所謂皇太弟國王幹慎那顏者也初太祖議伐乃蠻羣臣謂方春馬瘦宜俟秋大舉太弟曰事所當爲斷之在早皇季弟別里古台特掌乞列思事乞列思者禁外繫馬所也亦力言乃蠻可克遂與皇弟哈撒兒舉兵大破之降其衆盡

後子孫最爲蕃盛 五世孫脫脫延祐三年封遼王當英宗

弒晉王將卽位脫脫知有赦乃挾鸞殺親王妃十有餘人分其羊馬畜產泰定元年御史傅巖起李嘉賓言其乘國雖誅鋤骨肉罪惡已彰如令歸藩警之縱虎出柙宜別立近族嗣其位不報已而監察御史董鵬南等復奏遼王擅殺宗親蒙恩寬宥爲失刑乞正其罪又不允致和元年泰定帝崩于上都丞相燕鐵木兒舉大義迎立文宗上都諸王分道入犯留脫脫等居守齊王月魯帖木兒圍上都脫脫兵敗被殺其子八都復聚黨出剽掠救宣德府官捕之南臺御史言遼王脫脫自祖父以來屢爲叛逆蓋因所封地大物衆今宜削其王號處其子孫遠方而析其元封分地不果行天曆二年詔封牙納失里爲遼王以脫脫故印給之

次別里古台輟耕錄作廣寧王太祖季弟也多智畧勇力絕人幼從太祖平諸部落命掌從馬蒙古初制掌從馬者皆腹心近臣遇敗則牽從馬太祖宴諸部族或有圖害之者以刀斫其臂傷甚太祖怒索誅之別里古台曰今將舉大事不可以臣故生釁隙且臣雖創甚幸不至死請勿治以安反側太祖尤賢之當創業之初征取諸國無日不在軍中摧鋒陷陣不避艱險太祖嘗曰有別里古台之力哈撒兒之射朕取天下足矣嘗立為國相又長大宗正別授之印賜蒙古民三千戶及廣寧路恩州二城為分地又命以斡難怯魯之地建營居之江南平加賜信州路及鈔山州二城子三人長罕禿忽剛猛知兵從憲宗征伐多立戰功子霍歷極以疾廢世祖命居恩州以統其藩人斃子塔出嗣好學通經史能撫恤其民次也速不花子瓜都守統

元年與親王合丹等率東道諸王來會于開平勸進以推戴封廣寧王賜銀印瓜都次子乃顏至元二十四年遣使徵東道兵反世祖親征之其將金家奴塔不帶擁眾號十萬進逼乘輿帝命李庭將漢軍玉昔帖木兒將蒙古軍抱火礮夜入其陣礮發眾潰乃顏敗走追執之詳世祖紀次日溫不花太宗四年與太弟拖雷合攻鈞州敗金師七年領兵入淮西九年攻河南下光州降隨州畧地黃州轉戰至安豐宋知安豐軍杜杲禦之乃引還張德輝對世祖有曰請遣族人之賢如口溫不花者使掌兵柄其為人推重如此按太祖本紀自云我兒薛徹別弟大丑實坤之子按彈實我祖忽都刺之子衆皆欲立之伊等固辭始推我為主其所自皆未詳蒙達備錄云太祖皇帝兄弟凡四人太祖居長大皇帝弟久已陣亡二皇帝弟名便古得那見在國中三皇弟名忒殺葛真所統多自己人馬善戰有功其名皆與元史異姓存以備攷

系屬

太祖皇帝六子太宗居第三其長曰木赤性卞急而善戰分封

西北其地極遠去京師數萬里驛騎急行二百餘日始得達以

故其地郡邑風俗皆莫得而效常從太祖率師徇金地及征西

域下養古干八兒等城大方通鑑云木赤伐烏思憾哈納思帖

之時太祖十二巴復會師入魯灣川遂定西域早薨子拔都

太宗時率皇子征西番有功定宗崩三歲無君眾未知所立拔

都獨推戴憲宗諸王大臣議乃定詳憲宗紀

次察合台性縝密為眾所畏服與兄术赤並從太祖伐金征西

域屢著戰功見太世祖至元三年始建太廟定八室之制修家

人禮奉皇伯考术赤於第四室察合台於第五室歲用冬祀武

宗定廟室為東西次乃罷祠享四世孫曰秃剌少以猛悍著

當成宗崩左丞相阿忽台謀立安西王阿難荅潛推皇庶伯岳

吾氏稱制中外洵懼仁宗入平內難阿忽台有勇力人莫能近

秃剌實手縛之武宗即位第功封越王以慶元路為食邑秃剌

以功大賞薄居常怏怏不得志一日武宗幸涼亭將御舟秃剌

前止之帝曰爾何為曰人有恆言一箭中麋母口自能百兔未

得未可遽止此蓋國俗輕謂之語而秃剌引之涉不遜帝知其

怨望銜焉既而大宴萬歲山秃剌醉起解腰帶擲地瞋目謂帝

曰爾與我者止此爾帝益疑其有異志命諸王大臣鞠之辭服

遂伏誅子阿剌忒納失里至大三年寧王濶濶出謀不軌陰

許助之事覺與祖母母妻俱竄於漠北泰定初召還命出鎮沙

州賜鈔三千錠文宗入立以推戴功封安西王尋進封豫王賜

南康路為食邑天曆二年以其父越王印與之出鎮雲南至順

元年置王傅等官遣鎮西番授金印二年與武靖王鞠思班同

紀略卷三十一
討雲南叛蠻禽其渠長磔之以徇仍命分兵共守一歲以鎮輯
之後至元三年買池州銅陵產銀地一所願出私財煅煉而輸
課於官願亦從其請至正十六年命與陝西省官商議軍機從
宜攻討先是其弟答兒麻討南陽賊有功以兄安西王已爲豫
王命以安西王印與之鎮寵吉兒之地十八年詔阿刺忒納失
里徙居白海尋遷六盤

第四子拖雷與太宗同母方太祖崩遺命以太宗爲嗣時太宗
尙留霍博之地國事無所屬拖雷稱四太子監國蓋虛徃者踰
年乃名諸王宜遺詔定大策歲己丑太宗始卽位當是時元有
天下已三分之二太宗有意混一惟拖雷知之太宗深爲倚托
明年太宗自將伐金命拖雷帥師從破天城堡拔蒲城縣聞金
帥完顏合達蒲阿守西邊遂渡河攻鳳翔會前軍戰不利急從

太宗往援合達乃退辛卯破洛陽河中諸城及鳳翔既下金降
人李昌國進曰金遷汴二十年其所恃以安者黃河潼關之險
爾若出寶雞侵漢中不一月可達唐鄧金失其險首尾不相顧
我師取金如探囊底物矣拖雷然其言白於太宗太宗喜謂諸
王大臣曰昔太祖嘗有志此舉不意拖雷能言之遂大發兵太
宗將中軍由盩厔城南下渡河自洛陽進拖雷總右軍自鳳翔
渡渭水過寶雞入小潼關涉宋境沿漢水而下期以明年春合
南北軍攻汴遣速不罕詣宋假道淮東以趨河南宋統制張宣
殺使者拖雷怒曰彼方遣苟夢玉來通好何遽殺我便且食言
非信也背盟非義也棄好非仁也忘仇非勇也吾師有名矣乃
分兵攻宋諸城堡長驅入漢中破武休關圍興元軍民散走進

襲四川陷閬州過南部而還
續綱目云拖雷分騎兵三萬入大散關破鳳州徑趨華陽屠洋州攻

武休開生山截焦崖出武休東南遂圍興元分軍而西由沔州
取大安軍路開魚鰲山撤屋爲筏渡嘉陵江入關堡並江趨葭
萌畧地至西水縣破城寨百四十而還東軍屯遂由金州取房
興元洋州間以趨饒風關由金州而東取洋州以前鋒三千人破金兵十萬于武當山徑趨鈞州渡漢水行
抵汴遣騎馳白太宗太宗方詣漢水將分兵應之會使至卽遣
歸亟令合兵拖雷旣渡漢江金合達蒲阿據隘伏兵二十餘萬
于鄧州西以待時拖雷兵不滿四萬乃悉留輜重選輕騎進戰
于禹山佯北以誘之金人不動拖雷舉火夜行合達聞其至退
保鄧州攻之三日不下俄引而北合達合步騎十五萬躡其後
拖雷引兵偃旗鼓忽不見中夜則多鼓金聲以擾之金人益不
測時太宗亦由白坡渡河遣親王口溫不花來會會大雨雪金
人凍僵什不能軍拖雷欲進擊諸將請俟車駕至拖雷曰機不
可失彼脫入城未易圖也况大敵在前敢以遺君父乎奮擊于

三峰山大破之追奔數十里資仗委積金之精銳俱盡合達走
鈞州城破死焉蒲阿走汴至望京橋被禽拖雷欲降之不屈死
太宗尋至三峰按行戰地顧謂曰微汝何能致此捷拖雷從容
對曰此上天之靈皇帝之福臣何力之有已從太宗進拔許州
定河南諸郡有金將詣帳前自事問其名曰我忠孝軍完顏陳
和尚也大昌原倒回谷之勝皆我也我死亂軍中天下必無知
我者拖雷義之勸其降至死不屈以馬漣醢而祝曰好男子他
日再生當令我得之壬辰四月由半渡入真定過中都出北口
駐夏于官山五月太宗不豫拖雷禱於天請以身代取坐覲祓
除水飲之居數日疾愈乃從太宗北還九月至阿剌合的思之
地得疾薨憲宗初立追上尊諡曰英武皇帝廟號睿宗二年合
祭昊天后土以太祖睿宗配世祖至元二年改諡景襄皇帝

宗至人二年加上尊諡曰詣泰壇而請命有稱天以誅之文
薦清廟而致嚴蓋古昔相承之典剛辰爰十遺美載揚欽惟虞
宗景襄皇帝孝友溫恭聰明濬哲屬我家肇造於朔土佐聖祖
邁征於四方逮天討之奉行致皇威之遐暢金源假兩河之息
天水逾通好之盟遂移秦隴之師爰有褒斜之舉既平南鄭順
流而東再涉襄江自上而下乃吞三峰之捷實開萬世之基辱
既亡而齒亦寒號可伐而虜不臘適英文之廷孫圖中夏之底
寧母作神羞請以身代爰俟金縢之啟已知寶祚之歸迨我後
人紹茲明命徽稱顯號雖已擬諸形容王檢金泥尙未逞於潤
色謹奉玉冊玉寶加上尊諡曰仁聖景襄皇帝伏維端臨展座
誕受鴻名億萬斯年永錫繁祉見元文類 劉賡撰妃名峻魯忽帖尼亦
怯烈氏大方通鑑云本克烈 王之弟阿剌都女生憲宗世祖相繼為帝憲宗二帝

卒至元二年追上尊諡曰莊聖皇后本紀作 莊升祔睿宗廟至大

二年加諡顯懿莊聖皇后子十一人長憲宗次忽剌都四則世

祖六旭烈兀七阿里不哥八撥綽九朮哥十歲都哥十一雪別

台餘名皆不傳旭烈兀憲宗三年受命與大將兀良合台征

西域哈里發八哈倫諸國八年平之禽其王又西渡海收富浪

諸國轉戰萬里遂世鎮其地憲宗崩世祖北還旭烈兀自西域

遣使勸進曾孫合贊大德八年自西域遣使貢方物四世孫出

伯初封威武西寧王賜金印大德十年命領甘肅等地軍站事

明年進封幽王至大元年獻玉六百一十五斤子喃忽里延祐

七年襲封幽王阿里不哥當憲宗南伐宋命留守和林憲宗

崩于蜀時世祖以太弟渡淮圍宋鄂州國內虛諸大臣各觀望

所立陝西行省丞相阿藍荅兒等謀立阿里不哥為帝遣脫忽

思括民兵世祖北還諸王皆會于開平惟阿里不哥不至聞世祖既卽位乃命阿藍荅兒發兵漠北分遣腹心易置將佐散金帛以賚士卒又命行尙書省劉太平霍魯懷拘收關中錢穀時渾都海屯軍六盤太平等相與結納爲表裏阿里不哥遂稱帝于和林阿藍荅兒渾都海舉兵謀拒命親王合丹等擊敗之世祖命廉希憲安撫陝西北至旣宣詔卽遣人捕誅太平魯懷等旣而渾都海阿藍荅兒合軍而東官兵追斬之中統二年十一月帝自將討阿里不哥遇于昔木土腦兒之地命合丹等爲前鋒殲其兵三千人追北五十餘里帝親率諸軍躡其後降其部將阿里不哥乃北遁至元元年七月與諸王玉龍荅失阿速帶昔里吉來歸世祖以諸王皆太祖之裔並釋不問子三人孫五人第三曰孛羅大德十年封鎮寧王賜金印延祐四年進封冀于置王傅等官四年藥木忽兒至元十四年與昔里吉脫脫木兒等劫北平王南木合以叛後來歸大德三年封定遠王賜金印九年改封威遠王至大元年進封定王庶子撥綿驍勇善騎射憲宗命北征欽察有功賜號撥都其孫曰牙忽都年十三世祖命其統祖父軍從北平王南木合北征諸王昔里吉叛遣人誘脅之不從事王益忠謹未幾昔里吉以兵攻王牙忽都被獲拘繫因辱備至不稍屈丞相伯顏帥師討叛者牙忽都以其間潛結赤斤帖木兒禿禿哈等亂其陣陣動得脫歸見帝鬚髮盡白帝憫之賞賚甚厚至元二十一年命與禿禿哈同討海都牙忽都先登謀知堅殿前衝敵陣殲其精兵海都敗走二十七年海都復人寇牙忽都妻孥牙帳方驂不思哈刺嶺上悉爲所掠并與其子脫列帖木兒相失獨從十三騎奔還世祖撫慰

之賜爵鎮遠王以弘吉刺氏女具資裝賜焉武宗撫軍漠北請以子脫列帖木兒從海都篤哇入寇脫列帖木兒將兵千人擁護先後力戰功居最留軍中者十年成宗崩安西王阿難答謀竊大位牙忽都曰世祖皇帝嫡孫在神器所當屬安西藩王也入繼非制不從武宗即位進封楚王以駙馬都尉都刺哈女弟妻之又以海都子察八兒親屬為賜命脫列帖木兒襲封鎮遠王至大二年察八兒來朝宗親皆會牙忽都進曰昔我太祖肇造心基列聖嗣位未遑統一世祖創平海宇傾惟宗室諸王弗克同堂而燕賴陛下神武西北裔親首先効順叛王察八兒舉族來歸內外境土悉為一家地大物衆仁漸義育可謂盛矣昔我太祖有訓臣嘗與聞治亂國者宜齊之以法所以辨上下定民志知洪枝不斲已見聖恩而利本之顛僭竊迭見因循不改民將生心乞畫一其法俾有所懲勸帝嘉其言牙忽都薨仁宗命脫列帖木兒嗣楚王延祐中明宗出封周王至陝西兵變脫列帖木兒坐累徙西番沒其家貲之半明宗即位制曰脫列帖木兒何罪其轉徙籍沒豈不以朕故邪令復王號人民貲幣悉歸之末哥按憲宗世祖紀多稱木哥或莫哥或移哥疑係一人但無確據不便採入忽棍都歲都哥雪別台皆無考

冊曰混一之議實開厥先運籌効力爰臨疆庭用啟世祖受命永年居中國乃讓其兄二子並帝食報亦豐

第五子曰兀魯赤無嗣六子曰淵列堅子忽察封河間王四世孫脫歡封安定王蒙達備錄云太祖有子甚多長子北因破金國攻打西京雲中時陣亡第二子却為大太子名約直三太子名阿載四太子名闕五太子名龍孫皆正后所生其下十數人皆庶出按此與元史全異太宗皇帝七子定宗居長次濶端太宗七年奉命征秦鞏攻石

門入河州明年取成都招降利州潼川諸路十一年始班師于
五人次蒙哥都子亦憐真元貞二年命駐夏于晉王怯魯刺之
地大德元年來朝薨于道賜幣帛五百疋

次淵出本紀作太宗七年受命與胡上虎伐宋次年十月薨于

師子失烈門太宗嘗撫之宮中稱太孫遺命嗣立定宗崩皇后

斡兀立海迷失氏抱之聽政諸王大臣皆不服共議立憲宗憲

宗既立禁錮失烈門于沒脫赤之地曾孫阿魯灰封襄寧王至

元中從乃顏叛大德十年來降至大二年以淵出五世孫也速

不干襲封襄寧王

次哈刺察兒又次合失輟耕錄作合失子即海都也世祖至元

中諸王乃顏反未正其罪海都以太宗孫世居北方久蓄叛志

方俟釁而起未幾果反帝將親征又念懿親之故猶欲懷之以

德遣尙書昔班往諭令罷兵入朝海都已聽命退軍會丞相安

童率兵先破其部曲盡獲其輜重海都懼不敢至自後屢寇邊

叛者又附海都為名乃詔丞相伯顏討之海都屢敗脫走大德

三年成宗命兄子海山即武宗往鎮北邊數敗海都于淵別列之

地五年海都與篤哇諸部大舉入寇海山親督欽察軍奮擊大

破之射篤哇中鄰號遁去海都不得志旋走死當篤哇之敗也

諸叛王相聚謀曰昔我太祖艱難以成帝業我子孫弗克靖恭

連年構兵致相殘殺是自隳祖宗業也今撫軍鎮邊者皆吾世

祖嫡孫吾誰與爭哉遂與海都子察八兒篤哇子欵徹羣請罷

兵通一家之好帝嘉之詔安西王慎飭軍士安置驛傳以俟其

來八年察八兒遣使內附賜幣六百匹至大三年察八兒入朝

詔赦其罪先是世祖以海都叛命積其分地五戶絲作幣帛俟

其來降賜之藏二十餘年矣至是省臣以為請帝曰世祖謀慮深遠若是待諸王朝會頒賞畢卿等備述其故與之使彼知愧延祐二年封察八兒為汝寧王置王傅官以其屬戶匱乏給糧一歲仍俾屯田自贍

次合丹憲宗初以諸王嘗欲立太孫失烈門乃分遷之各邊合丹被遷于別失八里之地世祖還至開平合丹率西道諸王來勸進尋奉命討平阿藍荅兒渾都海之亂與諸王按只帶並受賜綺帛明年從討阿里不哥斬其將合丹火兒赤及其兵三千人按本紀當乃顏叛時合丹附之屢寇邊未知孰是

次滅里至元二年分四親王南京屬州鄭州隸合丹鈞州隸明里睢州隸孛羅赤蔡州隸海都蓋皆太宗子孫孛羅赤乃闕出之孫海都為合失之子而明里應即滅里音相通也會孫禿滿

至大初進所藏太宗玉璽封陽翟王賜金印俾鎮北藩子太平泰定元年襲封文宗初黨附丞相剌沙以兵攻大都戰于棗林為燕鐵木兒所殺又三世為阿魯輝帖木兒順帝時以謀逆被誅見傳其弟忽都帖木兒襲封陽翟王

定宗皇帝三子二腦忽無嗣長忽察三禾忽俱再傳而絕

憲宗皇帝五子長曰班禿次曰阿速及曰辨都俱無子次玉龍荅失初從阿里不哥反至元元年自歸上都世祖釋不問三年給衛輝路為分地歲賜銀五千兩幣三百疋其孫曰徹徹禿延祐七年封寧遠王至治二年命總兵北邊改封武寧王入朝請印帝以其功績未著不允泰定元年賜永福縣戶萬三千六百為食邑仍置王傅天曆二年明宗遣詣大都立文宗為皇太子至順二年改封郟王俄以妄言不道安置廣州踰年從丞相燕

鐵木兒請仍還本部鎮遼陽後至元初首發丞相唐其勢逆謀
詔賜太平路并蘇州田二百頃五年爲太師伯顏構陷奏賜死
帝未允卽傳旨行刑及伯顏被逐始雪其寃

次昔里吉至元四年封河平王俄同皇子北平王南木合出鎮
阿力麻里之地十四年年分據世祖紀與李庭等傳多不符七月昔里吉與脫脫

木兒藥木忽兒等謀劫皇子以叛械繫丞相安童使通好海都
海都弗納遂率兵至和林城北帝命伯顏將兵拒之遇于幹魯
懽河夾水而陣相持彌日伺其懈掩擊破之十九年爲諸王撒
里蠻所執遣使來報後爲元帥李庭等襲擒被誅 子晃火帖

木兒延祐五年封嘉王賜羊十萬馬萬匹泰定二年改封并王
至順三年賜以安陸府爲食邑後至元元年丞相唐其勢與王
交通謀廢帝以危社稷事敗自殺六年封其子徹里帖木兒爲

撫寧王

世祖皇帝十子長朶而只

一作都而只

早封王無後

次真金世祖嫡子也少從姚樞竇默受孝經中統三年封燕王
守中書令俄兼判樞密院事性仁孝恭儉嘗從幸宜興州世祖
避豫憂形於色每夕不成寐聞母昭睿順聖皇后暴得風疾沿
途悲泣衣不及帶而行至元七年秋受詔巡行稱海至冬還京
間謂諸王從官曰吾屬適有茲暇宜各言所得於是撒里蠻曰
太祖有訓欲治身先治心欲責人先責己伯顏曰皇上有訓欺
罔盜竊人之大惡一有欺罔則後雖出善言人終弗信一爲盜
竊則事雖未覺心常惴惴若捕者將至札刺忽曰我祖有訓長
者相深者底蓋言貴有終始長必極其相深必究其底不可中
輟也王曰皇上有訓毋持大心大心一持事卽墜敗吾觀孔子

之語誠與聖訓合也當爲燕王時日夜講求聖道中外欣然歸
心焉十年三月立爲皇太子兼省院事如故制曰仰惟太祖皇
帝遺訓嫡子中有克嗣服繼統者豫選定之是用立太宗英文
皇帝以紹隆丕構自時厥後爲不顯立家嫡致啟爭端朕上遵
祖宗宏遠之規下協昆弟僉同之議乃立燕王真金爲皇太子
積有日矣比者儒臣敷奏以國家定立儲嗣宜有冊命此典禮
也今遣某持節授爾玉冊金寶嗚呼聖武燕謀爾其承奉昆弟
宗親爾其協和使仁孝顯於躬行庶可不負所托尙其戒哉勿
替朕命詔益侍衛親軍萬人隸東宮太子命詹事丞王慶端選
其驍勇者教以兵法時閱試焉初守中書令每月必再至省將
出乳媪以新衣進却之曰亦何須此爲美觀邪卒不服及爲太
子一日服綾袷爲濟所漬命重染治之侍臣請更製太子曰是
物未敝豈宜輕棄東宮香殿成請鑿石爲池如曲水流觴故事
太子曰古有肉林酒池爾欲吾效之邪不許每與諸王近臣習
射之暇輒講論經史若資治通鑑貞觀政要下至武經七書片
言允愜未嘗不洒然改容時侍經幄者如王恂白棟皆朝夕不
出東宮而待制李謙太常宋徽尤咨訪無間十八年二月母后
崩太子自獵所奔赴勺飲不入口者累日設廬帳居焉翰林待
制王恂進承華事畧二十篇計王恂傳太子覽之至漢成帝不絕馳
道唐肅宗改絳紗袍爲朱明服大喜曰使吾行之亦當若此及
說那時止齊太子食邪蒿顧侍臣曰菜名邪蒿未必果邪也食
之能遠邪人耶詹事丞張九思從旁進曰古人設戒防微義固
當爾太子善其說在中書日久明於聽斷尤喜循良之吏深惡
言利者詔割江西隆興路爲分地太子謂左右曰安得治民如

邢州張耕者誠使往治之俾江南諸郡取法民必安集於是名
宋衙大選署守長江西省獻歲課羨鈔四十七萬緡太子怒曰
朝廷但令汝等治百姓百姓安朝廷何患不足否則雖多能自
奉乎盡郤之叅政劉思敬遣其弟思恭以新民百六十戶來上
太子問所從來蓋思敬征重慶時所俘者感然曰歸語汝兄此
屬宜隨所在放遣毋重失民心也烏蒙宣撫進馬諭歲額論曰
恐道路所經數勞吾民自今勿復多進有司欲就威武營糈粟
數萬石濟饑民太子問可否上慶端對曰兵民一體何間焉卽
命與之凡四方科徵輓漕造作和市有不便民者卽日奏罷二
十年春辟劉因于保定拜右贊善大夫以吏部郎中夾谷之奇
爲左贊善大夫時已立國子學白棟宋衙李謙皆以東宮僚友
相繼典敘事至是命因專領而以衙等仍備咨訪嘗曰置聞金
章宗時有司論太學生廩費太多章宗謂養出一范文正公所
饋顧豈少哉其言甚善中庶子伯必以其子阿八赤來見諭令
入國學逾年又見問所讀何書其子以蒙古書對太子曰我命
汝學漢文耳其亟入胄監遣使辟宋侍郎倪堅于開元旣至訪
以古今成敗得失堅言三代得天下以仁其失也以不仁漢唐
之亡也以外戚鬪豎宋之亡也以姦黨權臣太子嘉納賜酒曰
是乃罷先是阿合馬擅國柄太子悉其狡未嘗稍假顏色許衙
告歸太子請以其子師可爲懷孟總管以便侍養且曰公母以
道不行爲憂也公安則道行有時矣及阿合馬矯殺左丞崔斌
太子方食投箸起急入宮論救以不及爲恨和禮霍孫拜丞相
太子謂曰事有便國利民者毋憚更張或有沮撓吾當力持之
叅政張雄飛嘗被賜金鈔及罷政姦黨詣中書乞追奪太子聞

續通志卷三十一
之論丞相安童曰上所以賜張雄飛者旌其廉也汝豈不知母
爲小人所詐右丞盧世榮以言利進太子意益非之嘗曰財非
天降安得歲取贏乎恐生民膏血竭於此豈惟害民實國之大
蠹其後世榮果坐誅桑哥素主世榮聞太子言不敢誅生平好
賢若渴宋衍目青賜鈔千五百緡王磐請老官其壻於東平以
終養孔洙自江南入覲則責張九思以學聖人之道何不知有
聖人之後其崇儒重道本天性如此時帝春秋高南臺御史言
事者請內禪太子聞之驚曰必禍我矣臺臣匿其章不上而阿
合馬黨塔卽古阿散乘間發之帝震怒太子愈憂懼不自安遽
得疾薨年四十有三帝追悔賜諡明孝太子成宗卽位追諡文
惠明孝皇帝廟號裕宗升禱太廟 妃伯監也怯赤一名潤潤
真弘吉刺氏先是世祖出獵道渴入一帳房見一女子緝曉

世祖從覓馬潼對曰馬潼固有之但父母諸兄皆不在我女子
也難以相授世祖欲去又曰我獨居此汝自來去於理不宜我
父母當卽歸盍姑待之須臾果歸出馬潼飲焉世祖旣去歎息
曰此女倉卒以禮若是豈非佳婦邪後諸臣請擇太子妃俱不
當上意有一老臣嘗知向者出獵語且聞其未字因以爲言世
祖大喜納爲太子妃性孝謹善事中宮侍順聖皇后不離左右
世祖嗟稱曰果賢婦也一日太子有疾世祖往視見牀第間設
織金臥具世祖曰我嘗以汝爲賢何若是妃跪曰常時不敢用
今太子病恐爲濕氣所侵耳卽撤去成宗卽位尊爲皇太后冊
曰自家而國治道必有所先立愛惟親君德莫先於孝况恩深
於鞠我而禮重於正名歷代以來令儀可考人子之職所在天
下之母宜尊恭惟聖母聖善本乎天資靜專法乎地道上以奉

宗廟之重下以彼倫紀之常助我前人守卷耳憂勤之志保予
冲子成思齊雖肅之風肆神器之有歸知孫謀之素定界付雖
由於曆數規摹一出於庭闈是用率額衆心章明鉅典謹奉冊
寶上尊稱曰皇太后翼日播告天下詔曰禮莫大於正名孝宜
先於報本朕仰繩祖武丕紹皇圖惟昭考之仁明徽稱未著特
慈闈之鞠育大德難酬爰當踐祚之初首篤尊親之義謹依先
朝故事追尊皇考曰皇帝尊大母元妃曰皇太后其應行典禮
有司次第舉行見典章徽政院官受獻浙西田七百頃籍位下后
聞之曰江南率土皆國家所有我曷敢私卽命中書省盡罷院
官之受獻者后弟欲因后求官后不悅曰汝非其人也勿以累
我後其弟果被黜人服其先見大德四年崩諡曰裕聖皇后至
大三年加上徽仁裕聖皇后

冊曰親賢講學剖微義利仁孝性成動合古制惜其短年
世不蒙治裕聖持禮不違造次以德配德好述曷愧

次忙哥刺至元九年封安西王統河西土番四川諸處賜京兆
爲分地駐兵六盤山置王相府以商挺爲王相十年益封秦王
佩金印二其府在長安者爲安西在六盤者爲開成皆聽爲官
邸十四年命王北征十七年薨子二 長阿難荅嗣安西王成
宗初遣使入朝告貧乏帝語之曰世祖各有分地以賜子孫若
言貧乏豈獨汝邪去歲已賜鈔二十萬錠今再與則諸王以爲
不均不與則汝言人多饑死其給糧萬石擇貧者賑之大德元
年復賜鈔三萬錠成宗崩無子皇后卜魯罕垂簾聽政以阿難
荅同爲世祖之孫召至京將以弟繼大統文宗自懷孟入定內
難執之尋賜死子月魯帖木兒泰定帝立襲封安西王俄與逆

謀流雲南至順三年坐與畏兀僧必蘭納識理謀不軌伏誅
次按攤不花初忙哥刺既封安西王再封秦王綰二印後阿難
荅用安西王印按攤不花別用秦王印中書省言一藩二王非
制詔納秦王印時安西王相獨有印亦并收之至元二十五年
受命率兵鎮大理

次南木合傳作那木罕至元三年封北平王命丞相安童輔之建幕

庭于和林北阿力麻里之地十四年七月為叛王昔里吉所劫
留七年已失舊封十九年改封北安王二十一年三月還朝賜
鈔一萬二百四十六錠重給金印與之大德五年薨延祐七年
賜諡昭定無後

次忽哥赤至元四年封雲南王賜鍍金銀印遣之鎮八年為雲
南都元帥寶合丁王傅濶濶帶等協謀置毒酒中鴆死事發寶

合丁等並伏誅事詳張立道傳子也先鐵木兒至元十七年襲封雲

南王至大元年進封營王皇慶元年賜福州路福安縣萬三千
六百有四戶食其歲賦泰定四年出鎮北邊

次愛牙赤本末紀要亦稱大王至元二十四年叛王乃顏黨失都兒犯咸

平愛牙赤帥宣慰塔出合兵出瀋州討平之高麗史忠烈王世家云丙子流皇子愛牙赤于大青島

次奧魯赤封西平王至元九年同南平王禿魯等征建都蠻元
貞二年命駐夏上都孫老的罕至大二年梁王松山在雲南

有風疾以老的罕往代改封雲南王延祐二年入朝
次濶濶出至元二十六年封寧遠王出鎮漠北大德三年以怠

於備禦命皇姪海山即軍中代之武宗即位改封寧王賜金印
至大三年或訴王與越王禿刺子阿刺忒納失里有逆謀詔徙

高麗皇慶元年賜還次年薨

次脫歡至元二十一年封鎮南王駐鄂州賜鍍金銀印七月詔

統兵征占城道出安南為交兵所敗事詳安南傳世祖怒其辱國終

身不許入朝令駐鎮揚州大德五年薨長子老章嗣鎮南王

駐揚州至大三年尚書省言其出入導從僭竊上儀遣官詰問

得實名赴闕仍以所僭儀物來上老章薨脫不花襲封鎮南王

泰定二年薨遣中書平章乃馬解攝鎮其地次寬徹普化泰

定三年封威順王鎮武昌賜金印撥怯薛歹五百名又自募一

千名為護衛設王傅官屬命湖廣省供億錢糧衣裝歲支祿米

三萬石鈔三萬二千錠又日給王子諸妃飲膳時多言其驕橫

縱所屬侵奪民利後至元五年太師伯顏矯制召赴京貶之及

伯顏敗始復還鎮至正七年受命同鎮南王孛羅不花討獠賊

吳天保十一年徐壽輝作亂起斬黃寬徹普化與其子別帖木

兒引兵至金剛臺討之為賊將倪文俊所敗別帖木兒被執未

幾賊陷武昌寬徹普化棄城走詔奪其印已率本部怯薛歹屢

討賊立功命復還武昌遣其子報恩奴接待奴佛家奴以大船

四十餘水陸進討且載妃妾以行兵至漢川雞鳴汊船重不得

前文俊用火筏焚之三子同遇害妃妾皆陷賊中乃自走陝西

復從雲南經蜀轉戰至成州欲赴京師會李思齊以取蜀為名

扼不令行俾屯田成州以歿其子曰和尚封義王常侍順帝左

右至正二十四年孛羅帖木兒稱兵犯闕踞位右丞相和尚忿

其無君受密詔陰結勇士刺殺之順帝將北奔詔准王帖木兒

不花監國以和尚輔之京城破不知所之次帖木兒不花初

鎮南王脫歡薨于老章襲老章薨弟脫不花襲脫不花薨于孛

羅不花幼泰定三年以弟帖木兒不花襲封鎮南王駐揚州寧
羅不花長帖木兒不花固請還爵文宗嘉其能讓改封宣讓王
移鎮廬州後至元元年賜廬州饒州牧地一百頃二年賜市宅
錢四千錠命王府官班次列於有司之右五年太師伯顏矯制
與其兄寬徹普化同被貶及伯顏見斥朝廷雪其冤給還宣讓
王印仍鎮淮西至正十二年廬州盜起帖木兒不花率府中官
屬及怯薛眾鼓行討之擒其渠帥境內以寧十六年命與寬徹
普化以兵討懷慶既而汝頴之寇南渡淮復便宜調芍陂屯軍
拒之及廬州不守乃挈身北歸二十七年進封淮王明兵逼京
師帝北奔留帖木兒不花監國城破死之年八十三 不答火
里皇慶元年賜廬州路寧德縣戶萬三千六百有四食其歲賦
二年封宣德王 按宗室表載老章不答失里為脫歡子而脫不
花以下諸人皆老章子也及文寬徹普化與帖

木兒不花傳則皆云世祖
之孫脫歡之子未知孰是

次忽都魯帖木兒亦稱王無考

皇太子真金三子長甘麻剌次荅刺麻八剌成宗居第三皆同
母甘麻剌少育於祖母順聖皇后宮日侍世祖未嘗離左右畏
慎不妄言言必無隱至元中奉命鎮北邊叛王岳木忽兒等聞
其至望風請降既而篤哇察八兒諸叛者相率求和邊境寧謐
嘗出征駐金山會大雪擁火坐帳內顧近侍曰風雪如是吾與
卿猶有寒色彼從士腰弓矢荷刃周廬之外可無念乎命大為
肉糜親嘗福賜之暇則命儒臣進講通鑑戒其下曰朝廷以蕃
屏寄我事有不逮正賴汝輩輔助其或依勢作威不用我命輕
者論遣大者奏聞耳宜各慎之二十六年世祖以其居邊日久
特命獵于柳林至鄴州恐芻粟不繼令左右司之日分給從士

仍飭其衆毋得侵漁百姓比還世祖勞之曰汝在柳林民不知
擾以實嘉焉明年封梁王授金印出鎮雲南從卒馬馳之屬不
下千百計所過未嘗擾民二十九年改封晉王移鎮北邊統領
太祖四大斡耳朶及軍馬達達國土更鑄晉王金印故事諸王
皆置傅以晉爲太祖肇基之地視諸王有加特置內史以寵之
世祖崩王奔赴上都諸王大臣咸在時甘麻刺爲太子長子於
世祖爲冢孫大臣皆屬之王慨然曰昔皇祖命我鎮朔方以衛
社稷久歷邊事願服厥職毋弟鐵木兒仁孝可嗣大統於是成
宗卽位而王自歸藩大德元年賜鈔七萬錠六年薨年四十五
天性謹厚御下有恩於國家法度凜然不敢犯藩屬官有年老
者願以子代內史請於王王曰用人惟天子所命不敢專也故
尤爲朝廷所重惟崇尙浮屠作佛事歲耗財不可勝計後十年
仁宗立追諡獻武又十一年次子也孫帖木兒得立爲泰定帝
追上尊諡曰光聖仁孝皇帝廟號顯宗祔享太廟又六年文宗
卽位詔毀其室妃名普顏怯里迷失弘吉刺氏當王居晉邸
納爲元妃生泰定帝及卽位追尊爲宣懿淑聖皇后升祔顯宗
廟天曆初廟室仍毀長子松山至元三十年受詔出鎮雲南
賜皇孫梁王印大德九年詔梁王勿與雲南行省事至大二年
有風疾帝命雲南王老的罕代鎮其地子王禪延祐七年襲封
雲南王泰定元年四月賜車帳駝馬十月徙封梁王食邑益陽
州六萬五千戶仍以其子帖木兒襲封雲南王三年六月命王
禪鎮撫北軍賜鈔五千錠兼整飭斡耳朶思邊事泰定帝崩于
上都與丞相剌沙遜王脫脫共立泰定帝子將兵攻大都戰
屢敗爲文宗所擒賜死至順元年流其子于吉陽軍季迭里

哥兒不花武宗初立封北寧王仁宗嗣位改封湘寧王置王傳
食湘鄉州寧鄉縣六萬五千戶子巴刺失里襲泰定元年命出
鎮察罕腦兒地三年正月移鎮兀魯思部六月命鎮阿難荅所
居之地四年復鎮察罕腦兒泰定帝崩所部軍應上都南侵冀
寧兵敗被執

冊曰貪人徒勞妄覲非分嫡孫當嗣乃甘退遜不於其身
而於其子較之泰伯食報尤美

次荅刺麻八刺成宗同母兄也至元初生于燕邸世祖絕愛之
凡乘輿巡幸及歲時朝賀皆令侍行稍長賜以女侍郭氏其後
納弘吉刺氏爲妃二十三年太子真金薨荅刺麻八刺以皇孫
鍾愛兩宮特優出閣之禮二十八年始出鎮懷州行至趙州從
卒有伐民桑棗者民遮訴於道王命杖以懲衆未至以疾還明

年春世祖北幸留治疾京邸越兩月薨武宗卽位追尊爲皇考
冊曰顯親所以爲子追遠所以厚民矧必百世祀而位燕隆爲
天子父而養弗逮是宜稱秩以達純誠欽惟皇考淵穆有容神
明莫測文孫文子鍾至愛於兩宮宜若宜至膺具瞻於四海當
璧之祥未卜棄蹤之跡已遙典言欲報之恩昊天罔極對越有
成之命夙夜惟寅昭哉玄德之升聖矣生知之異衍莫衍於昌
後嗣而有天下孝莫孝於配前烈而及本支念茲繼體之初益
切中心之慕謹奉玉冊玉寶上尊謚曰昭聖衍孝皇帝廟號順
宗伏惟明明降鑒序於祖宗攸躋攸寧永錫繁祉見元文類
程鉅夫撰仁
宗延祐五年創殿於大承福寺安奉御容 妃名荅吉弘吉刺
氏按陳孫渾都帖木兒之女武宗仁宗母也大德九年成宗不
豫十魯罕皇后秉政遣仁宗母子出居懷州踰年成宗崩時武

宗總兵漠北仁宗在懷州聞計先奉母還京師遣使北迎武宗以五月卽位先是妃以兩太子是命付陰陽家問所立對曰重光大荒落有災旃蒙祚醜長久重光大荒落者武宗生年旃蒙作噩者仁宗生年也妃頗惑其言欲武宗讓位於弟遣近臣諭旨曰汝兄弟二人皆我子豈有親疎陰陽家所言運祚修短不容不思也武宗聞之語康里脫脫曰星命之說茫昧難信何可

以此而乖祖宗之法妃愕然曰修短雖出術家吾爲太子周思遠慮所以深愛之也今貪慾已除宗王大臣議已定太子不速來何爲連遣使趣之至武宗旣立卽日尊爲皇太后詔曰蓋聞

孝治天下者王政所先養以天下者尊稱爲大朕恭承先德寅

紹丕基愴昭考之長違賴慈闈之篤蒞方術無疆之慶易勝報

木之情謹依先朝成憲追尊皇考曰皇帝尊大母元妃曰皇太

后其應行典禮有司以次舉行

見典章至大元年爲皇太后建典

聖宮二年正月太后幸五臺山作佛事四月立興聖宮江淮財

賦總管府專司太后錢糧三年四月以興聖宮鷹坊等戶四千

分處遼陽建萬戶府統之十月帝率皇太子諸王羣臣朝興聖

宮上徽號冊曰伏思顯考順宗未臨海寓眇眇小子託其遺體

顧踐丕基惟事聖母養以天下何無不有何欲不臻而隆名盛

典辭未見俞非臣所以表微忱酬大德也欽惟皇太后貞順而

齊肅淵哲而剛明居常處變愛威異施臣在先朝受詔漠北往

撫諸軍可謂遠役以義割恩從臾其行迨輒河陽永懷彌切親

至五臺禱於佛乘尙憑陰臨早遂振旅殿閣是崇靈貺用昭旋

聞國恤信日馳赴邪謀方興授冊儲皇曾不再日掃清宮掖待

臣以來畀付神器自非睿斷安教內訌往歲攀輅再輒五臺淨

供大修以畢夙願極心為臣天壽地持日居月諸其大其明非
 言所喻詩之言曰母氏劬勞推之眇末咻仁愍慈百倍為艱圖
 以報寒惟崇顯號者強而名之庶幾聖德昭明天下是用類于
 上帝禋于太室奉玉冊玉寶上尊號曰儀天興聖慈仁昭懿壽
 元皇太后慶躋莫上之尊福衍無疆之曆見元文類 姚燧撰仁宗延祐
 二年加上尊號曰全德泰寧福慶皇太后英宗初立尊為太皇
 太后上尊號冊曰王政之先無加於孝人倫之本莫大尊親式
 仰燕謀聿修禘典恭惟太皇太后仁施溥博明燭幽微爰自居
 淵潛之宮已有母天下之望方武宗之北狩遠成廟之賀天肆
 克振於乾綱旋再安於宗祏雖膺在躬之曆數實司創業之艱
 難儀式表於慈闈動協謀於先帝莫究補天之造允如扶日之
 升位履至尊兩翼成於聖子嗣登大寶復擁佑於眇躬矧德邁

塗山功高文母是宜加於四字式益衍於徽稱謹奉玉冊玉寶

加上尊號曰徽文崇佑太皇太后御大明殿受朝賀初太后見

武宗長子和世璠即明宗少時有英氣而仁宗子碩德八剌即英宗

意稍懦諸羣小亦以立和世璠將不利於已遂擁立英宗既即

位太后來賀見英斷之色燭人眉宇后退而悔曰我不擬養此

兒遂飲恨成疾至治二年九月崩升祔順宗廟上尊諡曰昭獻

元聖皇后后性聰慧歷佐三朝稱仁儉每幸上都必飭鷹坊衛

士先往免害稼擾民然不事檢飭自正位東朝內則黑驢母亦

烈失入用事外則幸臣失烈門紐隣及宰相鐵木迭兒相率恣

貪虐瀆亂朝政仁宗恐傷太后意不能制及英宗立羣倖伏誅

而後勢倏頓息阿木哥者女侍郭出也封衛王大德七年籍

河西寧夏善射軍隸焉仁宗即位王入見賜鈔二萬錠以慶元

路定海縣六萬五千戶爲食邑每歲賜外更給鈔萬錠他勿援
例延祐五年以罪貶高麗有術者趙子玉言於王府司馬曹脫
不台曰阿木哥名應圖識潛謀備兵甲航海往高麗迎之至大
都俟時而發行次利津縣事覺子玉伏誅再徙阿木哥于大同
泰定元年正月召還六月薨賜鈔千錠子阿魯至順元年封西
靖王

冊曰篤生雙珠並登大寶早歲雖艱天祿永保維多爽德
親暱姦回南坡之禍實后所胎

成宗皇帝一子名德壽大德九年立爲皇太子詔曰惟我世祖
皇帝規模宏遠預建儲嗣式與古合朕恪遵祖宗成憲允協昆
弟僉言立嫡子德壽爲皇太子茲有日矣此者遠近宗親復以
爲請又中書百司及諸老臣請授冊寶昭示中外朕俯從衆願

所有冊禮具如常制屬茲盛舉宜布新恩於戲慶衍無疆既正
名於國本仁同一視尙均福於黎元故茲詔示想宜知悉見典章
未幾薨無後

武宗皇帝二子長明宗次文宗詳帝紀

仁宗皇帝二子長英宗無子次兀都思不花延祐二年封安王
五年以湖州路爲分地七年降封順陽王尋被殺無後

泰定帝四子長阿速吉八元年立爲皇太子致和元年帝崩九
月丞相倒剌沙在上都立以爲帝年甫九歲改元天順十月齊
王月魯帖木兒舉兵圍上都倒剌沙奉帝璽出降阿速吉八不
知所終

次八的麻亦兒間十泰定元年封嗣晉王餘二子曰小薛太子
泰定三年十二月以其夜啼賜高年鈔以厭之允丹藏十太子

泰定四年正月受佛戒于智果寺俱早隕無後

明宗皇帝二子長順帝次寧宗詳帝紀

文宗皇帝三子長阿剌忒納荅刺天曆元年以帝潛邸所用工匠百五十人立異樣局賜之至順元年三月封燕王立宮相都總管府以燕鐵木兒領之七月命西僧為燕王修佛事御史臺請立為太子帝曰朕子尚幼非裕宗為燕王時比也諸王大臣復請帝曰燕王幼恐其識慮未弘弗克負荷徐議之未晚十二月始立為皇太子次年正月薨祔葬山陵命宮相法里守之繪真容奉安慶壽寺東殿祀之如累朝神御殿儀

次燕帖古思初名古納荅刺至順二年正月疹疾愈賜醫巫乳媪宦者衛士六百人金銀鈔帛以萬計且命西僧作佛事一周歲更于五臺霧靈二山作佛事釋罪因為皇子祈福九月帝故

丞相府第命燕鐵木兒奉皇子居之三年三月更今名當文宗之崩也燕帖古思宜立而后惑於日者言曰兒幼當大福恐不任乃傳位於明宗次子是為寧宗及寧宗崩大臣復請立后益以日者之言為信乃迎明宗長子立之是為順帝後至元六年被放高麗未至為從臣月濶察兒所弑

次太平訥初名寶寧天曆元年命保養於大司農買住家易今名後無考

順帝子愛猷識里達臘二皇后奇氏所生也至元十三年立為皇太子詔開端本堂命儒臣日直進講一日值太子坐清寧殿分布長席列坐西番高麗諸僧輩太子曰李好文先生教我儒書多年究不省其義今聽佛法一夜即曉由是崇信佛教時帝髦期怠於政事奇氏與其子暹軍國重權希圖二位

丞

外

相太平太平不從既而益樹私人盡逐帝左右心養也
 久不相聞問矣二十四年詔以孛羅帖木兒匿老的沙于軍中
 削其官爵老的沙者帝母舅故不附奇氏者也孛羅雅知詔命
 非帝意遣兵犯闕下太子帶兵出走及孛羅奏詔退軍復有旨
 命擴廓帖木兒討之孛羅帖木兒再舉兵犯闕倉猝奔冀寧孛
 羅誅始還宮二十七年以江淮川蜀皆陷沒命大都立大撫軍
 院受詔出師究不行明年明兵入京師相與從帝北奔應昌又
 二年明兵襲應昌勢迫乃從十數騎遁不知所終輟耕錄云皇
 本堂讀書近待之常以飛放從者輒臂鷹至廊廡間喧呼馳逐
 以惑亂之將出游為樂太子受業畢徐令左右戒之曰此讀書
 之所先生長者在前汝輩安敢褻狎如此急引去母名責子
 也衆皆驚懼而退乃貢師泰授經宣支閣下所目見者
 買的里八刺先逃歸沙漠歲庚戌六月為明將李文忠所獲來
 獻俘太祖曰元有天下百年朕祖父亦嘗享其太平安忍加戮

封為崇禮侯留京師甲寅九月太祖謂買的里八刺曰草木無
 心遇春而茂遇秋而零落氣之所感猶知榮悴况於人乎汝南
 來已五載豈無父母鄉土之思宜聽汝還於是厚其禮歸之兄
 政紀按庚戌為洪武三年是年元主之子失篤兒及駙馬忙哥
 失來降明年又獲故元子孫惠不都不花儲王伯顏不花宗王
 子蠻伯帖木兒并其金印送至京太祖各賜第宅乃月給
 錢米甲寅文忠克其金印送元宗王榮榮失里均不知何系
 以知錄云忽都虎郡王毋八達氏能詩今濟南靈岩山寺刻其
 詩有岩前松榆年年綠殿上君王日日春之句上書至治元年
 司曰監撫之權急在戲亂如何關于友啟內難揆厥所出
 皆因奇氏系本句驪故逞僭儼元世祖后不鑒前車是以
 聖教首列閔唯

48-11514

其
心
計
以
器
器
對
留
京
臨
甲
寅
氏
氏
太
麻
馬
買
印
里
八
陳
日
早
木
建

其
心
計
以
器
器
對
留
京
臨
甲
寅
氏
氏
太
麻
馬
買
印
里
八
陳
日
早
木
建

